

佛本行集經卷十六

C40
4514
86



78910123456789201234567893012345

C40-45-14



B 64853



佛本行集經卷第十六

隋天竺三藏法師闍那崛多譯
耶輸陀羅夢品第二十之二

爾時國師有於一子名優陀夷聰明智慧衆論辯巧
時淨飯王卽遣喚彼優陀夷來來已王語作如是言
汝優陀夷黠慧多智今可往侍悉達太子以方便力
教我太子令心安隱愛樂宮中勿使狀離捨欲出家
時淨飯王更復召喚一切釋種眷屬聚集而語之言
汝等宗族我意疑慮悉達決定不住家居汝等今者
佐助於我作何方便令其不離時諸釋種報大王言

我等詳共守護太子其有何力能強出家爾時淨飯王及諸釋種於迦毗羅城東門外安置五百勇健童子善能用兵巧解神射多有方便悉皆大力猶如壯士力敵少雙一一童子有五百車而自圍繞一一車邊復有五百勁健壯夫各各圍繞如是次第南西北門亦復如是乃至各有五百人防如上所說復有宿老諸釋大臣悉皆各住十字街巷四衢道頭遞共守護悉達太子時淨飯王別置五百最勝壯健諸釋侍官其身悉皆帶持鎧甲乘象乘馬四面圍繞淨飯王宮各各在於閭門内外通夜持更爾時國大夫人摩訶波闍波提憍曇彌在於宮內集聚妓女而語之言汝等當知從今以去晝夜莫睡將諸明寶置高幢上勿令夜暗又復處處別然酥油香燈蠟燭恒敎覆火勿使滅無諸門管鑰好牢關閉非時不得令人橫開身體莊嚴皆著瓔珞各各連手猶如鉤鎖相捉而住圍繞太子莫聽浪行若執弓刀或持叉棒或拄戟槊如是坐立或執或對種種器仗晝夜用心勿令不覺太子行動彼若出家我宮空虛無可娛樂時優陀夷國師之子侍衛太子入儲宮內見於太子住於殿中思惟而坐宮內妓女皆悉默然見如是已語彼諸女

作如是言汝等一切巧解談論語言戲謔善承人意
變惑爲歡端正可憐世間無比各各自有如是技能
今日云何默然而住可忘失耶如是功能應當如彼
北鬱單越國土所作莊嚴之事又復汝等堪爲北方
毗沙門天護世大王而作妃后況復人間宮內不堪
汝等妓女豈可令此太子離欲若如汝等猶能令於
真正聖人敎行五欲況復今日不能令此釋迦太子
染著世間汝等妓女能作美言迴怒令喜巧取他心
婦人之身所有方便幻惑之術假使女人亦能行欲
況復男兒不著汝等若世間人得共汝等同於一處

能不行欲終無是處而說偈言

汝等妓女輩 大有方便力 巧能幻惑他
善示汝境界 假使離欲人 真正諸仙等
得見於汝者 必應生欲心 況復此太子
觀汝等娛樂 不能行五欲 終無有是處
如是汝等自境界中巧解方便我見汝等具足皆有
如是方便而遂不能令王太子於汝等邊欲心染著
我甚不悅汝等更可人人加意出巧方便而令悉達
太子見已於汝等邊別生欲心勿令厭離汝等妓女
可不聞乎昔迦尸國有一仙人名提波耶那此言延上生

被孫陀梨姪女誑惑而彼仙人如天無異諸天猶尚
不能奈何被孫陀梨姪女惑故隨彼步行來入城中
又復往昔有一仙人名爲獨角仙人之子生小已來
未經飲事當於彼時有一姪女名曰商多此言寂定誑惑
彼仙遂令失禪及五神通又復昔有仙人名曰毗商
密多此言化支多時苦行經於十年無所歟食當於彼時
有一姪女名彌迦那此言一者極大端正彼仙亦復被其
誑惑諸如是等大神仙人多有被於諸姪婦女之所
誑惑牽取教行世欲之事況復今日悉達太子盛壯
少年身體柔軟大王之子善解諸事汝等至心承事
供奉令於汝等生染著心勿使其斷王之體胤彼等
姝女於國師子優陀夷邊聞是語已向於太子示現
種種巧媚幻惑令生增上勝妙欲心或有姝女示現
舞形或有姝女出微妙聲唱頌歌讚或作音樂或出
可笑奇異面形或造百種語言辭句或復有於太子
之前示現透迤巧妙行步或復有將雜異種種妙好
鮮華以奉太子或作種種百和之香塗太子身或於
口中吹指造作種種鳥聲或復詰白作如是言聖種
王子願聽我等所作種種世俗欲情語言嘲調而王
太子在於宮內聞如是等諸種欲戲作是思惟世間

之中被其苦逼所謂生老及病死等惱患既然不知
厭離捨彼等苦求歸依處我今云何巧作方便能捨
此等世間諸苦生老病死又復彼等諸妓女輩多種
示現歌舞音聲或復種種諸妙欲事而彼悉達太子
見已不生希有戀著之心時宮女中有一妓女自手
將一末利華鬘前出繫於太子頸下而太子眼熟視
不瞬觀彼女人卽還自解末利華鬘解已手持從牕
牖中擲棄於外時國師子優陀夷見太子端坐正念
思惟不著世間有爲境界又不染愛妙色聲香如是
見已其優陀夷聰明智慧巧解種種殊方善論諫太

子言大聖太子我被大王勅來至此友娛太子我今
諮詢白願太子聽我以太子於世事中心意不動而說
偈言

我略說友相 惡諫善勸行 厥難相救濟

是名真善友

時優陀夷說此偈已復作是言大聖太子我今既是
聖子之友諸事好惡須共平量見異默然而欲捨我不
不名爲友是故我今欲向太子有所諮詢白依如友心
惟願領納太子當今盛壯年少我今觀看太子之心
不作善事而欲捨離諸妓女等嫌恨其邊有何可惡

7 8 9 10 11 12 13 14 15 16 17 18 19 20 1 2 3 4 5 6 7 8 9 30

凡繫縛心隨順是也愛著之情欲能爲本婦女之體
唯以丈夫敬重爲歡若太子心必不愛著五欲之事
世間富貴榮華是難但當以口美言善語慰喻宮人
令其意悅而說偈言

婦人敬是樂 敬爲樂最上 無敬惟有色

如樹無有花

爾時太子從國師子優陀夷邊聞是語已卽作種種
善巧語言哀愍之聲猶如雲陰隱隱雷震微妙之聲
猶如善美和合音聲柔軟報答優陀夷言汝優陀夷
我亦知汝爲我良朋爲我善友好心開發諫曉我意

我今亦知汝意向我親密厚重我今亦不違逆汝心
汝今見我有如是過我今順汝但我非是不知世間
五欲之樂我觀世諦一切諸事了達分明我以世間
無常敗壞以是義故此處可畏心意不樂而說偈言
世榮雖快樂 有生老病死 此四種若無
我心誰不樂

是時太子說是偈已復更重語優陀夷言汝優陀夷
當觀於此諸妓女等旣被老奪盛壯色已各各相覩
意不喜樂況有癡人欲於是處生愛樂心而說偈言
生老病死法 住此生老病 若住生樂心

7 8 9 10 11 12 13 14 15 16 17 18 19 20 1 2 3 4 5 6 7 8 9 30

共鳥獸無異

佛本行集經卷第六

大

事六

爾時太子共國師子優陀夷等往復來去言論之時
日遂至沒太子既見日光沒已便入宮中共諸妓女
行於五欲快樂歡喜相聚集圍繞而住其太子妃
耶輸陀羅卽於是夜便覺有娠又當其夜太子姨母
憍曇姓氏摩訶波闍波提眠中夢見一白牛王在於
城中揚聲吼喚安詳而行無有一人能當彼前而作
障礙又復其夜淨飯大王亦夢城內處中豎立一帝
釋幢以多雜種衆寶莊嚴復持種種瓔珞校飾壯麗
猶如須彌山王從地涌出在於虛空彼帝釋幢其中

又復出大光明四方皆悉周匝照耀又復四方興起
大雲俱來至於帝釋幢上降注大雨霧靄灌洗彼帝
釋幢又於空中雨於種種無量無邊妙華之雨其帝
釋幢周匝復有無量種種微妙音聲不作自鳴更復
有一鮮白繖蓋衆寶爲竿黃金爲子端正可喜自然
覆於帝釋幢上四方復有四大天王及諸眷屬來向
城中開門將彼帝釋幢出爾時其夜耶輸陀羅疲極
睡眠無所知曉臥夢覩見有二十種可畏之事心顫
身動恐怖不安疑怪驚惶忽然而寤時太子問耶輸
陀言汝耶輸陀何故如是驚怖顛悖氣喘心忪忽爾

而起何故如是汝耶輸陀今者又不在尸陀林又復不爲諸屍所繞亦不在山不居曠野今此城內無量無邊兵仗守護在於王宮此處深牢不懼野獸亦復不慮盜賊來驚此中安樂是無畏處我今見汝耶輸陀羅心大驚怖心大憂愁心生疑畏忽然覺寤此事何因爾時太子妃耶輸陀淚下如雨恐怖悲咽報太子言大聖太子我於今夜夢見如是二十種變惟願諦聽我當說之聖子我向夢見一切大地周匝震動聖子次復夢見有帝釋幢崩倒於地聖子次復夢見虛空日月及諸星宿悉皆墮落聖子次復夢見有一最大鮮潔繖蓋是我從來依蔭之處守護我者憐愍我者而彼婢生車匿之子忽以壯力奪我將行聖子次復夢見我頭髮鬚爲彼諸寶所莊嚴者刀截而去聖子次復夢見我身體上所有瓔珞爲水所漂聖子次復夢見我之身形微妙端正忽成醜陋聖子次復夢見我身體上所有手足自然墮落聖子次復夢見我此身形忽然赤露聖子次復夢見我之從來常所坐牀我坐之時承事聖子彼牀忽然自塌於地聖子次復夢見我常所共聖子眠臥受樂之牀彼牀四腳並皆摧折聖子次復夢見有一衆寶所成大山纖利

78910123456789201234567893012345

四楞無量高峻被火所燒崩頽墮地聖子次復夢見淨飯大王宮內有一微妙之樹被風吹倒聖子次復夢見朗月圓衆星圍繞在此宮中忽然而沒聖子次復夢見淨日照明千光圍繞在此宮內忽然而沒彼隱沒後世間黑暗無有光明聖子次復夢見此宮城內有一火炬出向城外聖子次復夢見此城從來所護之神徧體種種瓔珞莊嚴可喜端正彼忽悲啼舉聲大哭住在門外聖子次復夢見迦毗羅城忽爲曠野可畏如夜心無處樂聖子次復夢見迦毗羅城所有諸池水悉皆濁所有樹林華果枝葉並皆墮落徧散於地無可觀瞻聖子次復夢見所有壯士手執刀仗身著甲鎧周巾四方交橫馳走聖子我見如是二十種夢心大恐怖驚疑不安此何徵祥爲凶爲吉是何果報爲復我身壽命欲盡爲其聖子恩愛別離是故我今心如春擣戰動忙怕不能自持於睡眠中忽然驚起爾時太子聞此語已自心思惟我今不久捨世出家是故今此耶輸陀羅見於如是大恐怖夢是時太子卽報其妃耶輸陀言妃耶輸陀汝雖見彼一千帝釋幢崩倒臥地於汝何傷設復見於一千日月及諸星辰墮落於地汝亦何苦雖見千繖婢生車

78910123456789201234567893012345

匿力揭將行既是夢奪非關白日汝心何亂不假憂愁汝善大妃莫驚莫怖莫作分別世間法中自有如是虛妄之夢不須懷愁但當安隱依常眠睡汝善大妃年時嫩少身體柔軟爲爾憂懼恐畏疲勞耶輸陀羅以受樂身未曾經苦旣聞太子如是語已還臥而眠太子爲欲安恤慰喻耶輸陀故以五欲樂共相娛樂更同睡眠爾時太子其夜自復見五大夢第一夢見席此大地持用作榆以須彌山安爲頭枕東方大海安左手臂西方大海安右手臂南方大海安置兩足第二夢見有一草莖名曰建立從牕而出其頭上

至阿迦膩吒第三夢見有四飛鳥作種種色從四方來在於太子兩足之下自然變成純一白色第四夢見有四白獸頭皆黑色從足已上乃至膝頭舐太子腳第五夢見有一糞山高大峻廣太子自身在彼山上周市經行不爲彼糞之所汙染

捨宮出家品第二十一之一

爾時太子在於宮內夜睡眠時有一宿衛守宮之臣告諸一切持更人言汝諸人輩行更之時宜各如是喚金毗羅金毘羅者或言可畏或喚目帝羅目帝羅者或言解脫或喚鶩伽那鶩伽那者此言落裏汝等人輩在此已不彼等報言我等

7 8 9 10 11 12 13 14 15 16 17 18 19 20 21 22 23 24 25 26 27 28 29 30

在此是時大臣復更語彼諸人輩言汝等並宜用心持更汝等並宜用心持更今夜已深所有諸類或住水中或居陸地或在樹上或處窟間或山谷傍或屋舍裏皆悉疲乏染著睡眠汝等諸人今夜持更悉執器仗共守門閭應須警慎好加制持自餘當鋪持更之人莫令睡眠大王嚴重有如是勑何以故恐畏太子捨此城邑剃髮出家若保宮內此聖太子必當得作轉輪聖王統四天下大仙國師如是受記作是語時初夜已過至於半夜漏刻之人大唱而言我聖大家恒常尊勝願我大家長命吉安初分已過次入中

夜漏刻未半爾時色界淨居諸天下來至於迦毗羅城是時城內所有人民皆悉迷悶沉重睡眠淨飯王身并諸左右及太子廄當馬諸臣宮人妓女皆悉迷惑疲乏重眠是時衆中有一天子名曰法行來至宮內以神通力令諸妓女身體服飾縱橫不正或復褰袒不能收斂其中或有諸妓女輩或以手拄頤領而眠或有妓女擲却笠篋置於一邊而身倚臥或有妓女以其兩臂抱膝而眠或以兩手內著腹中而其半身露出而睡其中或有各以兩臂相抱而眠或有妓女目睫不交睛瞳睞睞熟視而睡或有妓女倚諸瓊

珞垂驛而眠或有宮人形容端正從來俯仰具知差
慙一切功能皆悉備足今以重睡因緣所纏放氣出
聲大小麤細臭處蓬煙都不覺知或有脫身諸瓔珞
具或有擲却諸雜華鬘或棄衣裳張目而眠猶如死
屍種種無異傍人觀看不作活想或有仰臥長展手
腳張口而眠或有亂擲手脚一邊交橫而眠或有拳
縮手臂脇腔繚戾而眠或有立地倚壁而眠身體掉
動猶如醉人或有覆頭鼾睡而眠或有蹲坐縮項而
眠或有面孔青白失色極醜而眠或有妓女以細腰
鼓懸於項上絡腋而眠或有妓女以於箜篌搭項而
眠或有妓女敵齒齧齧鳴喚而眠或有垂頭寐語而
眠或有伏面猶如冢間死屍而眠或有失於大小便
利不淨而眠爾時太子忽然而寤覩其宮內蠟燭及
燈或如拳麤或如臂大顯赫朗耀極甚光明見諸宮
人如是睡臥或執銅鍊笙瑟笳簫琴筑琵琶竽笛螺
貝口出白沫鼻涕涎流見如是等種種相貌見已太
子作是思惟婦人形容正如是耳不淨惡露有何可
貪外飾粉脂瓔珞衣服華鬘釵釧假莊嚴身癡人不
知橫被誑惑於色境界妄生欲心若有智人正念觀
察婦人身體體性如是空無有主猶如夢幻是中應

無有人可得放逸生貪以邪念故無明所縛而說偈言

世間不淨衆惑迷 無過婦人之體性

衣服瓔珞莊嚴故 愚癡是邊生欲貪

有人能作如是觀 如幻如夢非真實

速捨無明勿放逸 必得解脫功德身

爾時太子更復專念如是思惟咄哉世間有是大患
咄哉可畏有何可貪以慈哀心愍衆生故舉聲大哭
此處繫縛愚癡之人猶如屠兒割斷諸命此處不淨
愚癡之人妄生愛樂如畫餅中盛滿糞屎此處虛假

愚癡之人埋沒沉滯猶如溺泥溺於諸象此處臭穢
愚癡之人以爲香美猶如猪在廁溷之中此處空誑
愚癡之人橫生染著猶如狗抱無肉骨頭此處損害
愚癡之人爭競投入猶如飛蛾奔赴燈燭此處危脆
愚癡之人貪著愛好猶如魚鼈吞食餌鉤此處委黃
愚癡之人樂著親近如濕生華離水日曝此處虛假
愚癡之人行來履涉猶如老牛入在深泥此處懸喰
愚癡之人墜墮沒陷猶如盲者落大峻崖此處循環
愚癡之人流轉生死猶如瓦匠旋器之輪此處纏綿
愚癡之人被其繫縛如犬著枷不得自在此處無潤

愚癡之人被炙乾枯猶如夏天盛熱旱草此處衰耗
愚癡之人日就消滅猶如月虧漸將至末此處無利
愚癡之人善根用盡猶如博戲輸他錢財爾時太子
如是觀察諸妓女身復更思惟我今分明見如是相
應當歡喜勇猛勤劬發精進心增長福德起弘誓願
濟拔世間無救衆生爲作救護無養育者爲作歸依
無舍衆生爲作室宅今所辦事已現我前不久決當
得果斯志何以故此諸妓女皆捨羞慙著重眠睡爾
時作餅天子於夜半時旣見太子睡眠已覺安詳而
至向太子所白太子言太子徃昔成就具足真實之
事又復太子昔在人間發如是心願我捨身生兜率
天太子彼願時節已過又復昔時在兜率天願生人
間受於母胎彼願成滿在胎之時願早生出彼願亦
畢生已增長在於宮中童子受樂遊戲自在彼願又
過弱冠之時欲得精勤學諸技藝彼願已成壯年縱
心欲受世樂彼願現驗不宜久耽今日一切諸天諸
人願令太子捨離出家修學聖道爾時太子聞彼作
餅天子如是語已卽自著其八千億斤金價衆寶所
作革屣串於脚已欲起廻顧觀其所坐合榻寶牀而
發如是大語言云此是我身最後受於五欲之處從

今已後當更不受此是我身最後受於五欲之處從
今已後當更不受爾時太子舉右手塞衆寶所成羅
網幃帳從宮中出安詳徐步始行少地在於殿內東
面而立合十指掌至心念於一切諸佛念已舉頭仰
瞻虛空及諸星宿爾時護世四大天王及天帝釋知
於太子家時至各隨其方辦具欲來爾時提頭賴
吒天王主領所部乾闥婆等一切眷屬百千萬衆前
後導從作諸音樂從東方來三市圍繞迦毗羅城下
於地上却住其方合十指掌低頭曲躬面向太子爾
時毗留勒又天王主領所部鳩槃茶等一切眷屬百
千萬衆前後導從手執寶鉢盛滿種種微妙香湯從
南方來三市圍繞迦毗羅城下於地上却住其方合
十指掌低頭曲躬面向太子爾時毗留博又天王主
領所部諸龍王等一切眷屬百千萬衆前後導從手
執種種妙真珠寶復持種種諸雜珍寶兼起種種香
雲華雲及以寶雲復起微妙柔軟香風從西方來三
市圍繞迦毗羅城下於地上却住其方合十指掌低
頭曲躬面向太子爾時毗沙門天王主領所部諸夜
叉等一切眷屬百千萬衆前後導從手執火珠或執
燈燭或執火炬熾盛猛炎身著鎧甲或執弓刀箭槊

器仗及矛戟等從北方來三市圍繞迦毗羅城下於
地上却在其方合十指掌低頭曲躬面向太子爾時
天主釋提桓因與其眷屬一切諸天百千萬衆前後
導從將天華鬘末香塗香或復執持旛幢寶蓋或執
種種諸妙瓔珞從彼三十三天而來三市圍繞迦毗
羅城却住上方合十指掌低頭曲躬面向太子爾時
太子觀見諸方仰瞻虛空及諸星宿并覩護世四大
天王以諸上妙種種瓔珞莊嚴身體頭戴天冠次第
而行安詳徐步共乾闥婆及鳩槃茶一切諸龍并夜
叉等百千眷屬左右圍繞各從其方東南西北而來
至此依方面住復見天主釋提桓因將領百千諸天
眷屬前後閉塞在於虛空周帀集聚復見鬼星已與
月合時諸天等唱大聲言大聖太子鬼宿已合今時
至矣欲求勝法莫住於此人王師子時至速疾棄捨
出家諸天如是更復佐助讚唱此言速出莫住爾時
太子仰瞻虛空如是思惟今中夜靜鬼宿已合諸天
大衆地及虛空並皆佐助決定我今時至不虛宜出
家也太子如是心思惟已卽喚同日所生奴子車匿
告言車匿汝速疾來莫違於我急被帶我同日所生
馬王健陟將前著來勿令我家所有眷屬一釋種子

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

經

卷第十六

聞彼馬聲是時車匿聞於太子如是言已仰瞻虛空
如是思惟今始中夜心卽生疑徧體顫慄身毛皆豎
悚懼不安白太子言大聖太子云何中夜遣我被帶
健陟馬王有何恐怖有何怨敵有何急疾或復城外
或今城內有好惡耶是時太子語車匿言謂汝車匿
我今急疾恐怖怨敵被諸苦逼汝那得知但速被帶
我同日生馬王健陟時疾將來

佛本行集經卷第十六

音釋

堯普郎切需普蓋
切霧需大雨貌
切撓鑿
首鎧也榆
與樹同
願盈之切
領胡感切
脣旁禮
切睡中
胡固切
有言也溷
圓也

胤孕進切
繼嗣也
纏合切
居又切
馬舍也
並合
切蟬丁可切
垂下貌
呼寒切
氣激聲也
切卧五巧切
與咬同
此芮切物

繖綾爲蓋也
以木爲窓也
心動也
諸容切
以木爲窓也
塞祖
祖徒旱切
塞起處切
正作𦨇
苦駕切
古軋切
齒聲也
研祭

忪升人切
孕也
心動也
莫
莫

金壇于玉德爲
亡父見素府君
卷以資冥福計字六千三百六十八個該銀三
兩一錢八分四厘
崇禎十五年孟夏月本邑顧龍山識

7 8 9 10 11 12 13 14 15 16 17 18 19 20 21 22 23 24 25 26 27 28 29 30

佛本行集經卷第十七

隋天竺三藏法師闍那崛多譯

捨宮出家品第二十一之二

爾時車匿既聞太子如是語已自心思惟聖子今者
決欲出家不肯住也如是念已故發大聲大言大語
問太子言望使宮人覺知太子聖子恒常知諸時節
所作之事常依順時今是何時而喚索馬聖子若欲
往詣園林觀看善地遊戲之者此非其時何用馬爲
聖子今日無有怨讐復無違逆反叛之人四方安靜
復無有人擾攘離亂邊疆一切無有逃亡外方隣邦

78910123456789201234567893012345

亦無侵奪欲共聖子鬪戰之者聖子覆蓋一切大地
唯一無二今何假須馬王犍陟聖子今日此處宮內
諸妓女等共相圍繞歡娛受樂猶如天主歡喜園中
釋提桓因共諸天女周市圍繞聖子亦然在此宮內
寶牀上坐何用於馬但願安心於此百千妓女之中
聽作音聲娛樂而住是時車匿口如是言又復以手
拔諸妓女頭髮令寤又以腳踢彼妓女身但彼妓女
不覺不知以上諸天神通力故爾時太子心內生疑
畏衆人覺私密細聲以於此偈告車匿言

同生車匿汝當知 我觀宮內如塚墓

亦似蛆蟲穴無異

如與羅刹同共居

東西南北狼籍眠

又類受胎初泡水

車匿我見五欲苦

心意不願在此宮

并遊諸方我不喜

以見老病及死屍

車匿速將捷陟來

我今決欲出家去

爾時車匿聞於太子如是言已猶如猛獸著於毒箭
生大苦惱大聲而哭白太子言聖子今可捨諸尊乎
太子報言善生車匿我今欲求勝尚之處寧捨現前
諸尊親族勿令未來我及眷屬入於死命鬼口之中
更爲車匿而說偈言

78910123456789201234567893012345

我當求於涅槃故 寧捨親族向出家

未來死鬼劫奪人 命一入口悉食盡

爾時車匿重聞太子如是言已復更殷勤白太子言
大聖太子一切世人謂言太子決定得作大轉輪王
云何欲捨太子又斷車匿此言咄汝車匿莫如是語
我昔在於兜率天上勝於此處曾作天王悉領於彼
三十三天我於是時猶不樂於彼處之樂何以故以
見生死無常患故況復今日此人間乎少時在於此
人境界多有患濁處此王位雖復治世暫時自在而
不得離病死之怖但世間中有死命鬼治世之處彼
之諸王卽不能得自在安樂車匿復更報太子言大
聖太子雖復太子不用世位但淨飯王今已年老子
子盛壯勿令大王心生苦惱太子報言善生車匿我
今於此大父王邊心生愛敬如父愛我我倍愛父大
王奇特敬愛親族我亦不欲捨諸親族我於親眷亦
復不作諸餘異心但我大畏大怖大驚諸有之中受
生死苦今日欲求解脫法故而暫捨離所愛重親當
來世中能愍救護諸眷屬故又未來世不相離故爾
時車匿白太子言大聖太子心決定耶要須捨俗求
出家乎太子報言善生車匿我已立要車匿又言爲

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5

何事故太子答言我見世間無常過故意欲專求彼勝處耳車匿復問以何緣故爲彼勝處太子答言若使世間無生無死無老無病無愛別離無怨憎會得王位已受諸功德無有無常境界真實一生人中無有濁穢若如是者可令我於此處心樂汝善車匿莫違我心我已勅汝急速被帶我同日生馬王犍陟車匿白言如太子勅不敢有違其車匿聞太子如是勅語言已亦識太子深心之意亦復先知淨飯王勅嚴制禁重但以諸天神力加故發心欲取犍陟將來太子之前而有偈說

車匿以天神力加 忍違大王勅命制
兼以菩薩昔願滿 發意遂取馬莊嚴

爾時車匿卽至廄中於槽櫪上搦取犍陟卽以純金作迦毗遮七寶莊嚴串於馬口牽出離槽別繫餘櫪刮刷其背先以柔軟輕細之物展於脊上以金所成七寶莊嚴鞍韁而被上覆金網如是具足被帶馬已卽牽將向太子之前是時犍陟同生馬王遙見太子身力壯故徧體歡喜出大鳴聲時其犍陟馬王吼喚出聲之時聞半由旬時首陀會一切諸天以神力故令此馬聲隱沒不聞恐畏有人障礙太子不得出家

是時太子歡喜踊躍徧滿其體卽以右手柔軟網縵
手指猶如蓮華葉赤色如紫礮摩拭馬王脊背之上
而勑語言汝同日生健陟馬王我今欲求甘露之法
汝須努力如是善行勿令有人作我障礙汝善健陟
鬪戰之時尚出死力欲勝他故今日與我善爲佐助
求出世樂世間之樂暫時歡喜不久還失生大憂惱
爲法出力此事甚難我今欲爲一切世間求解脫故
出家修道汝善努力出勇猛筋捷疾而行我今出家
爲諸世間及汝等輩作大利益爾時太子正念立地
發大弘願作如是言此我最後在家乘也我從今去
更不復乘如是之乘發誓願已控勒卽乘健陟馬上
乘已重語健陟馬言汝健陟馬努力負我最後負荷
我今爲諸天人世間作利益故發心出家太子亦坐
健陟馬王鞍上之時一切無量阿修羅衆迦樓羅緊
那羅摩睺羅伽羅刹衆毗舍遮地居諸天及首陀會
乃至阿迦膩吒天等隨逐健陟馬王而行是時諸天
手持白蓋復以種種諸寶莊嚴益炳周帀以諸衆寶
真珠羅網懸於其上其網目間悉懸金鈴擎持以覆
太子之上是時太子乘健陟馬漸向宮門健陟行時
蹄足聲聞一拘盧奢首陀會天以神通力隱彼鳴聲

789101234567892012345678930123456789

7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30

不令遠聞畏有障礙太子出家是時太子出家之時其虛空中有一夜又名曰鉢足彼鉢足等諸夜叉衆在虛空中各以手承馬之四足安徐而行太子初欲發足出家有一天子唱如是言願善吉利大法船師今欲度脫無量衆生於煩惱海復有一天唱如是言願無障礙大聖世尊今欲出家渡生死海是時太子語車匿言善生車匿汝今可在我前而行示現我道出宮內門彼門關鑰欲開之時其聲聞於一拘盧奢非人至門開彼關鑰其開之時首陀會天以神通力隱蔽彼聲不令人聞恐畏太子出家之時有諸障礙

是時車匿白太子言大聖太子宮門已開太子報言門已開也決定我心所願求利必當得成無有疑慮爾時車匿白太子言大聖太子希有甚奇此之宮門以前開時大用氣力而方得開聖子今者至已卽開大聖太子亦至門邊譬如猛風吹彼雲隊開啟兩邊是時太子從內宮門出於外已作是唱言此我最後出於宮門從今已去當更不出爾時太子從宮出已安詳而至毗耶囉門其門邊有一夜叉將名曰善入共其五百夜叉眷屬既見太子安詳徐步向門而來見已各各共相謂言今此悉達大聖太子夜半非時

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35

來向門下我等今者欲爲彼不時夜叉衆各相謂言
 我等可爲太子開門隨彼稱意東西行動脫彼如心
 所願成就得甘露道旣自證已復爲天人世間當得
 作大利益是時善入夜叉之將急疾開彼毗耶囉門
 其門已前開關之時其聲鳴徹至半由旬時淨居天
 以神通力隱蔽門聲不使諸人得聞其響恐爲太子
 作出家障太子從此迦毗羅城毗耶囉門初出之時
 彼門所有守門諸將或有執捉關鑰之者彼等諸人
 或著睡眠不覺太子出彼宮時或復是彼諸夜叉神
 之所迷惑或是諸天神力迷惑所有最慎善持更人
 彼等一切悉重睡眠不覺人出爾時欲界魔王波旬
 見於太子初出家時爲欲恐怖於太子故以神通力
 化作諸聲所謂虛空出現大雲雲中復更出大雷聲
 及霹靂聲更復化作諸大水河吹於大石出沒奔流
 太子之前復作大山其山高峻現大崖岸又復化作
 大猛火聚燄赫熾然爾時淨居諸天以神通力隱彼
 大雲雷電霹靂一切諸聲及彼大山河石高峻崖岸
 猛火皆令不現將彼魔王波旬擲著無量百千由旬
 之外勿使障礙太子出家爾時太子從城門出至外
 邊已迴身觀看迦毗羅城出師子吼唱如是言我今

7 8 9 10 11 12 13 14 15 16 17 18 19 20 1 2 3 4 5 6 7 8 9 30

寧自擲棄身形墮大石崖飲諸毒藥而取命終亦不
飲食若我未得隨心願求度脫衆生於生死海我終
不入迦毗羅城其諸天聞太子如是師子吼聲皆悉
隨喜爾時太子出此師子吼聲之時所有守護迦毗
羅城諸鬼神等或守城門或守牆壁或守敵樓皆悉
大唱如是之言如是願如太子所出師子無畏
吼聲成就滿足以歡喜心各舉兩手語太子言大勇
健兒出已迴觀迦毗羅城是時太子聞此言已不驚
不怖以歡喜心身毛皆豎更作是言此城我今終不
迴入若我得於甘露之句諸聖所歎已斷生死煩惱
之流證涅槃道然後乃入太子城外出此師子吼言
要誓證彼真實真如菩提然後還來入城教化出此
聲處在後諸人造作於塔名曰太子出師子吼而彼
處所有一最大尼拘陀樹彼樹有神其神以偈語太
子言

若人欲伐於樹木 要必當盡其根本
如斫物頭須斷絕 渡水宜令達彼岸
言語一竟不得虛 作怨亦訖莫復喜
爾時太子以偈報彼護樹神言
雪山處所可動移 海水或使其枯竭

7 8 9 10 11 12 13 14 15 16 17 18 19 20 21 22 23 24 25 26 27 28 29 30

虛空可令崩落地 我吐言語終不虛
爾時淨居諸天而說偈言

此處今出大藥王 當治衆生煩惱毒
若有被愛箭所射 此匠今悉能拔除
此處今出大醫尊 善治一切衆生患
若人有老病死疹 此設療治悉能愈
此處今出大智炬 燭彼顛倒癡衆生
所在愚暝黑闇中 卽皆覩見大光照
此處今出大顯赫 能爲世間作大明
以智圓滿慧眼光 普照十方諸境界

此處今出大船師 當度未度衆生類
牢裝方便智舟艦 濟度無量億天人
此處今出大商主 欲教一切度大磧
所有迷惑無量衆 示導令從正路行
此處今出是大王 世間法王無上王
建立法幢大法相 令知是法及非法
此處今出是大道 能伏一切諸世間
其未調伏諸天人 一切當能善調伏
此處今出是大主 出世法主無上主
當轉微妙大法輪 摧伏一切諸外道

7 8 9 10 11 12 13 14 15 16 17 18 19 20 21 22 23 24 25 26 27 28 29 30

此處今出是大覺 當覺世間未覺者
其有被諸煩惱纏 能斷一切縛令脫
此處今出大帝幢 當雨無邊大法雨
十力具足世無雙 能降一切諸外道

此處今乘大白象 得度無明遠廣礪
執持利智金剛杵 當破外道一切邪
此處今出大梵王 憐愍世間一切衆
爲利愚騃衆生輩 當鳴大法鍾螺鼓
此處今出是大龍 當雨世間大法雨
潤益三界諸衆生 除其熱惱諸邪病

爾時淨居諸天說此偈已卽口稱言南無尊者大丈夫身禮拜太子隨太子行時淨居天各隨先業果報所得微妙之身威德勇猛志力精進難作已作爲於太子放身光明滅除暗暝顯示道路譬如重雲日從中出放大光明如是如是淨居諸天從其身體放諸光明爲於太子示現道路亦復如是爾時欲界諸天子等皆各化作端正可喜摩那婆身在太子前引導太子平坦道路大梵天王共諸梵衆眷屬圍繞在於太子右邊而行忉利天王共諸釋衆三十三天眷屬圍繞在於太子左邊而行四大天王各以種種微妙

7 8 9 10 11 12 13 14 15 16 17 18 19 20 21 22 23 24 25 26 27 28 29 30

瓔珞莊嚴其身以妙天冠莊嚴其首垂諸瓔珞復共無量乾闥婆衆鳩槃茶衆諸龍夜又無量百千左右圍繞身帶種種堅牢鎧甲手執弓箭或執利劍或執長刀或執鐵棒或執矛戟或執三叉執槊執鉤擎持排楯在太子前引道而行語太子言大聖太子從於此道速行莫住上虛空中復有無量無邊諸天百千億衆歡喜踊躍徧滿其身不能自勝將天水陸所生之華散太子上并及栴檀諸妙沉水多伽羅等天諸末香自餘更有種種雜香散太子上復有塗香末香燒香太子行時各各手持散太子上以用供養於太子故爾時太子宮內所有妓女睡寤忽然唱言不見太子不見太子耶輸陀羅既覩臥牀獨自一身不見太子而大唱叫作如是言嗚呼嗚呼我等今被聖子誑逗卽大叫喚以身投地把撮塵土以散頭上又舉兩手自拔髮毛拗折打破身諸瓔珞以撲於地以手指爪齟裂四支身體皮肉所著衣服皆悉掣毀舉聲大哭出於種種酸楚痛言及以諸餘種種苦惱逼切縈纏自身支體爾時宮內妓女侍人奏淨飯王作如是言大王當知今夜睡寤不見太子其當馬人旣失健陟亦復諮詢奏淨飯王言大王當知今夜廐上亦復

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35

不見馬王犍陟時淨飯王聞此語已大聲叫喚而口唱言嗚呼嗚呼我所愛子如是唱已悶絕倒地傍臣手持栴檀冷水以灑其上少時還蘇復其本心然後召喚防守城將而勑之言卿等速疾莊嚴四兵善著鎧甲速求太子令知所在時彼防守城將軍聞王如是嚴重勑已從宮內出徧告諸餘大征將言汝等諸將各各當知淨飯大王有如是勑所在境界百官大臣其有受食我封祿者或有依我而活命者如是人輩皆悉集聚速疾分頭行求太子若得見者善言慰喻勿聽住彼山林峽谷迎將迴還爾時百官諸羣臣等聞彼防衛城將軍如是言已卽時各於迦毗羅城內外衢道振鈴告言汝等一切所有臣民食於淨飯大王國土封祿之者及依大王而活命者諸臣百官悉皆速出迦毗羅城爲求太子若得見者慰喻教迴還入宮中爾時釋種諸臣百官并及一切迦毗羅城所居人民其有食祿及不食者皆從城出行求太子爾時守城大臣徧告所行諸人如是言已漸次至於太子當馬大臣之家告彼當馬臣如是言淨飯王勑速求太子出城而行彼大臣言我當太子所居之處而不得行時彼守城大臣重更語如是言淨飯

7 8 9 10 11 12 13 14 15 16 17 18 19 20 1 2 3 4 5 6 7 8 9 30

大王如是嚴勅所有太子侍衛左右悉皆禁縛彼當
馬臣如是報言仁者若欲縛於我者且先自縛汝之
所有眷屬妻兒兄弟姊妹姑姨舅氏合皆禁縛時彼
城內大衆人民皆悉出求太子而行爾時太子以諸
天神威力障故求覓太子不能得見

剃髮染衣品第二十二之一

爾時太子從迦毗羅城門出已勅其車匿作如是言
謂汝車匿我今語汝汝於我前引道直向羅摩村行
是時車匿白太子言如太子勅不敢有違引前直向
羅摩村邊其馬健陟輕便行疾舉足安隱從夜半行
至明星出行二由旬摩訶僧祇師如是言馬半夜行
十二由旬或復諸師作如是言從夜半起至明星出
行百由旬至一聚落名彌尼迦至日出時到跋伽婆
仙人居處到彼處已問車匿言謂汝車匿此何處所
爾時車匿報太子言大聖太子此之處所去羅摩村
勢不遙遠爾時太子見此樹林及往仙人所居之處
并諸鳥獸流水井泉池渠河等知其車匿及馬健陟
行來已乏告車匿言汝善車匿今若知時宜於此處
停下歇息是時太子從其馬王健陟而下口如是稱
大弘誓願此今是我最後所乘所下處也此今是我

7 8 9 10 11 12 13 14 15 16 17 18 19 20 21 22 23 24 25 26 27 28 29 30

最後所乘所下處也是時太子下健陟訖以美言語
慰喻車匿作如是言車匿世有僕使其心雖復孝向
大家而無自由復有僕使心雖自由而無孝順復有
僕使心不孝順兼且無力復有僕使而心孝順復有
大力善生車匿如汝今日希有希得恭敬孝順好心
向我復有大力車匿我今向汝亦大歡喜以如是業
汝於我邊心大孝順大愛敬我如是愛我汝今事我
不求利故凡世間事富貴之人還有愛著而求事他
汝今事我其義不然世又有人見富貴時而欲事他
爲求物故亦見貧賤卽復背捨汝今不然而說偈言

畜兒爲立家 事父答養育 爲利營田作
皆以求報爲

爾時車匿聞此偈已問太子言大聖太子凡是奴僕
向富貴人所有諸事欲發心作不能一一借問所以
但我今日旣見聖子來入此山是故敢欲諮問聖子
以何緣故發如是心而來至此是時太子報車匿言
汝善車匿我欲語汝汝今亦復何須用知車匿復言
大聖太子我雖是賤交與聖子同日而生是聖子奴
隨順聖子不違逆意是時太子語車匿言汝善車匿
我今語汝汝能作不其車匿言大聖太子我今旣是

78910123456789201234567893012345

聖子奴僕親事聖子何敢不作太子復言汝善車匿我今棄捨聖王之位不以其餘恐怖他故惟求解脫離繫縛故車匿我今不取如是王位而心歡喜車匿一切王位是大恐怖我今內心如是明見車匿我見出家有如是利故割斷彼來入山林莫復更爲生死所拘我今欲求解脫生死汝善車匿今可迴還將馬犍陟歸向王宮我今出家心意已決而說偈言

不復更假多言語 識知我意愛汝心
我已割捨親愛來 汝今速將犍陟去

爾時車匿白太子言大聖太子凡人出家見四種事

然後捨離云何爲四或身年老或復帶病或時孤獨或無資財而聖子今此四種中現無有一又復聖子初生之時一切解相婆羅門等有能占觀諸巧智人多讀經書善解衆論昔曾受記如此童子必當得作轉輪聖王統四天下作大地主具足七寶彼七寶者所謂輪寶珠寶象寶馬寶女寶主藏臣寶主兵臣寶如是復生一千聖子悉皆勇健能破他怨彼轉輪王統此大地一切海等如法降伏而得治化聖子若得金輪寶時此寶天成非人所作端正可喜於虛空中在前而行王當乘空逐彼寶輪諸親族等左右圍繞

從空飛行是時身當轉輪王位受大功德是時聖子以明月珠摩尼之寶於夜暗時照七由旬其地周而得光明是時聖子如是無量受王位樂大聖太子仁今若乘白象之時其象七支皆拄於地其六白牙皆悉以金裝校鏤飾被金鞍韁鞅馳隱起以金瓔珞嚴服其上復以羅網而彌覆之具足神通飛騰自在乘是象已亦堪能行徧此大地聖子是時受彼王位甚大快樂又復聖子若當來世乘彼馬王而其馬王徧體紺青頭烏黑色駒尾甚長被金鞍韁鏤寶鞅馳純金瓔珞莊嚴其身以金網羅彌覆其上彼馬神通自在無礙善能飛躍虛空而行若欲行時聖子乘上行此大地周而能徧聖子爾時受是王位甚大快樂又復聖子若當來世得女寶時眼目端正面首可憐行步安詳最勝最妙猶天玉女當自出現聖子爾時具足而受自恣五欲轉輪王位甚大豐樂又復聖子若當來世得主藏寶彼主藏臣得天眼故能從地出金銀藏等一切諸寶將與聖子爾時當受五欲具足功德又復聖子若當來世得主兵寶其主兵臣善巧多智聰明利根閑解便能領四兵衆一念之頃知太子心皆悉能令著於鎧甲一切具足無所乏少部分

7 8 9 10 11 12 13 14 15 16 17 18 19 20 21 22 23 24 25 26 27 28 29 30

將往詣聖子邊隨意而用聖子爾時受其王位甚大快樂又復聖子若當來世具得如是七種之寶當於爾時此間大地并諸四海一切山河及林泉等無有不屬其諸怨敵一切天下悉來歸降既降伏周無處有畏無處有疑一切人民悉各豐足無有不賓險難之處亦不須用刀仗兵戈如法而行既如法行治化天下爾時太子受聖王位快樂無極爾時太子聞如是等諸語言已還復報問於車匿言汝善車匿其相師等諸婆羅門唯有如是受於我記爲復更有餘受記乎是時車匿報太子言更有其餘別受記事太子

問言是何受記車匿答言彼諸相師婆羅門等復受記言此之童子若捨王位而出家者必定得成阿耨多羅三藐三菩提成菩提已卽轉無上微妙法輪爾時太子語車匿言謂汝車匿慎莫妄語應須真實當於彼時阿私陀仙一向受記此之童子必成阿耨多羅三藐三菩提一向受記我當轉於無上法輪是時車匿聞是語已心驚顫怖身毛偏竪白太子言大聖太子能憶如是受記語乎此記釋等諸眷屬輩私竊而聞勿令聖子得知此說恐畏聖子發菩提心是時太子語車匿言車匿我昔從彼兜率天下入於母胎

78910123456789201234567893012345

及在胎中所有諸事我心憶持猶尚不忘況復生已受我記忘終無是理車匿諸天復語我如是言仁者太子速疾出家必定當得阿耨多羅三藐三菩提成就已決定轉於無上法輪車匿是故我決定當得阿耨多羅三藐三菩提決定當轉無上法輪車匿我今實言向汝而說車匿我今寧被刀割身肉寧食毒死寧入大火寧投大崖寧自經死我今終不得免離生死之法而還向家何以故如是世間五欲境界皆悉無常不久停住是破壞法

佛本行集經卷第十七

音釋

擾攘

擾而沼切
攘如爭切

概

其月切
杙也

刷

所滑切
鞍履也

履

他計切
鞍履也

鞬

鞬賢切

切鞍

古狂切
鞬也

鑛

古獲切
鑛也

疹

丑刃切
病也

膾

卽葉切
與楫同

駢

五駢切
駢瘻也

楯

尹食切

之屬

切于櫓

爪

古獲切
持也

鐸

郎豆切
雕刻也

鞞

七由切
鞞也

必

鞞彼義切
與

轡

子紅切
馬鬚也

驥

馬鬚也

金壇于玉德爲
亡父見素府君

母虞太安人施刻此

卷以資冥福計字六千五百五十九個該銀三
兩二錢七分九厘

崇禎十五年孟夏月本邑顧龍山識

78910123456789201234567893012345

佛本行集經卷第十八

隋天竺三藏法師闍那崛多譯

剃髮染衣品第二十二之二

爾時太子以手從其天冠頭髻解天無價摩尼之寶付與車匿作如是言車匿我今與汝此摩尼寶汝將此寶還於我父淨飯大王至王邊已無量頂禮汝知我意我付囑汝汝當信我我今汝將此寶還至父王邊啓白令除一切愁苦復好爲我諮詢父王作如是言我今不以被人所欺而忽捨離父王足下又亦不以嗔恨心故亦復不爲求覓資財又亦不以少封

祿故亦不欲求生於天上唯見一切諸衆生等在不
正路迷惑黑暗邪徑而行欲作光明欲除如是生死
之法欲求利益世間之句無愁憂處欲斷無常有漏
之行求出家耳大慈父王見我如是樂出家故不應
憂愁而說偈言
大王至王夢口無量貢鑒大味
假使恩愛久共處時至會必有別離
見此無常須臾間是故我今求解脫
爾時太子說此偈已作如是言我今欲離此憂苦故
棄捨出家是故詰啓我父大王不須愁憂若世有人
緣憂愁故爲於五欲而縛著者彼等諸人應須憂愁
所以者何世多有人父生於子爲求財故所以養育
報於父母施法財者世子難有若父王意作如是心
我子今者非出家時惟願父王莫如是念凡求法者
無有時節所以者何人居世間命無限劑知如是者
是故智人決須捨求勝上行處此是我心決定之語
譬如有人共死命怨同居一室言我壽長無有是處
車匿汝至我父淨飯王邊作如是等多種語言令王
意定汝至彼處善作如是方便慰喻莫令憶我車匿
雖然我復語汝若至我父淨飯王邊但說於我惡逆
之事無德行處太子如是無有恩義無愛著心莫說

7 8 9 10 11 12 13 14 15 16 17 18 19 20 21 22 23 24 25 26 27 28 29 30

於我孝順之處所以者何已捨愛故卽捨一切憶念
憂愁爾時車匿聞於太子作如是等諸語言已徧體
熱惱滿面淚流合十指掌向於太子而作是言大聖
太子如太子教但前所言於諸親族及父王邊大生
憂愁我意不喜心情斷絕如大象王沒在深泥不能
自出聞是語已誰不淚流復作是言精進之心餘人
聞說猶尚大驚況我車匿小來共於聖子同日一時
俱長愛敬之心相樂不已而說偈言

假使用鐵持作心 以聞如是言普語

人誰不心酸楚毒 況我愛戀同日生

爾時車匿說是偈已白聖子言我將馬王與聖子乘
以彼諸天神通力故強令我心遣被與來非我自意
我今云何能斷聖子是出家事我今既是同日生奴
及此馬王一種無異豈能違離聖子須臾獨還宮也
終無是處聖子亦不合放於我健陟向家而復令我
傳此憂悲愛別之語向大父王說如是事而聖子今
亦不合背捨老父王而自出家彼法非是更無有法
絕妙越殊過是尊者能勝孝養所生父母亦不應捨
乳哺姨母摩訶波闍波提以是而論聖子亦成無恩
義人而不憶舊育養之時聖子正妃耶輸陀羅貞潔

之女諸德具足亦復不合棄捨相離雖然若聖子今
捨離一切釋種親族我今既是同日生奴亦不合放
但是聖子足蹣之地我常隨順不得背捨大聖太子
是故我今意中不忍將此熾然憂悲之火所燒心情
迴向於城而放聖子獨在此處空閑林野令我自反
脫至城邑淨飯大王責我何言又復聖子既不還家
我獨去時聖子所有朋友識知并及宮內姝女妃后
問我何言聖子復語我作是言汝今將我惡辭毀辱
非法之事向眷屬說令我眷屬遺忘於我憎惡於我
而我何敢妄說於此毀辱之言我心可不自慙自羞
自愧自耻我之心意及以口舌若爲欲說聖子惡言
雖我妄言欲說聖子誰當信我妄言之事聖子譬如
有人說彼月天種種惡事毀辱之言頗有人聞如此
事者能信以不但聖子今恒常習行慈悲之心聖子
囑託此言不善聖子旣行大慈悲行恒常美言慰喻
衆生今捨諸親此是非善是故善哉聖子迴心向家
受樂爾時太子見其車匿如是憂悲苦惱之語聞已
復報彼車匿言車匿汝今應須捨別離苦莫作憂惱
何以故一切衆生有生有老悉有別離車匿一切衆
生所有愛著染惑之心其在胎內養育之者皆悉是

虛會有別離彼非是我我非是彼而說偈言
譬如大樹衆鳥羣 各從諸方來共宿
後日別飛各自去 衆生別離亦復然
猶如盛夏起大雲 暫聚以復還離散
衆生離別法皆爾 須臾聚合復分離
旣相隨來生此間 今者各各還歸本
勿言我與汝有異 利作彼此去住情
一切去來無所依 但隨衆生有愛著
強作分別自他意 直如樹木支葉莖
各各別有色形容 此染汙

況復無常衆生類 譬如樹蔓生果蓏
隨其熟時則墮落 人命修短亦如是
長年促壽死終無 往昔一切諸仙人
恒說如是無常事 設使壽命八大劫
至於無常敗壞時 必死更無有疑慮
猶如諸方各自來 至河同共欲飲水
或復上船渡彼岸 旣至岸上還復分
父母生子亦復然 并及眷屬諸朋黨
少小雖同在一處 長大須臾各別離
雖復業果同共家 其受苦樂報不等

78910123456789201234567893012345

及至無常事催促 各各相捨無親疎

爾時太子說此偈已告車匿言善生車匿是故汝今
莫惱自心決定還去所以者何汝今止爲愛著大家
不能捨者汝若到家還來覓我若汝迴至迦毗羅城
見我親族爲我愁者汝告彼等作如是言汝等眷屬
於太子邊宜應割捨愛著之心何以故我今知彼有
要誓言爾時太子卽說此偈囑車匿言

假使我今身血肉 并及支節筋脈皮

一切磨滅盡消亡

文夏性命不全保

我若不捨此重擔 越度諸苦遠入源

未證解脫坐道場 終不虛爾還相見

爾時車匿旣聞太子說此偈已卽以自身四布於地
持其兩手前著抱於太子兩足而作是言善哉聖子
今乞歡喜莫作如是苦切誓言大聖太子我有何力
有何神德能令聖子迴還本宮但我從此獨自向家
聖子眷屬必當打我或復聖子父王淨飯並及姨母
摩訶波闍波提必應問我我妙梵聲聰慧之子汝今
將向何處擲來爾時太子報車匿言車匿莫作是言
莫作是言我之父母及諸眷屬見汝從此獨自迴還
終不打汝所以者何我眷屬等一切悉皆愛念於汝

車匿速起速起上來所論有如此法世若有人將所
愛人言語意氣向彼道時必得賞賜汝決定須速還
至家我之父王見汝還已心得稣醒然我父王見我
捨家聞道出家大生苦逼父王之身及諸眷屬一切
號咷悲咽哭泣城內大小一切人民爲於我故生重
苦惱彼等若得見汝還者心少歡喜爾時車匿從地
而起合十指掌淚下如流與大哭白太子言以如
是故我今欲將聖子還家勿令大王種姓斷絕是時
車匿從地起已馬王健陟前膝胡跪出舌舐於太子
二足兩眼流淚是時車匿白太子言大聖太子此馬
雖復是畜生身猶尚慈悲垂淚而泣況復聖子諸
屬心當見何殃惟願聖子正觀於此健陟馬王今見
聖子不欲還家是以胡跪屈前兩膝開口出舌舐聖
子足以慈哀心二目淚下爾時太子以諸功德已字
莊嚴千輻相輪猶如芭蕉內心柔軟金色右掌網縵
手指摩其馬王健陟頂上而語之言健陟汝今具作
馬事以得度於大負重任從今已後汝健陟馬還家
自食此今是我最後從家騎乘之務行大遠路賴汝
今日得濟於我健陟汝今莫生憂惱莫泣莫悲汝所
載我當得大報我今欲求阿耨多羅三藐三菩提於

後證時當將甘露分布與汝而有偈說

太子以右羅網指 卍字千輻輪相現

金色柔軟清淨手 用摩馬王捷陟頭

猶如兩人對語言 汝同日生馬捷陟

莫過悲啼生懊惱 汝作馬功已訖了

我若當證甘露味 所可負載於我者

分別密教甚深法 報答於彼終不虛

爾時車匿白太子言大聖太子今日已得廣大王位
聖子具足一切諸相玉女之寶所莊嚴宮並皆顯現
自餘多種五欲之事最勝最妙人間難辦今已得之

何故聖子捨此妙樂愛於諸獸百鳥充滿曠野之內
又復是處多有怨賊恐怖之事獨行獨坐遠離諸樂
云何悅心太子報言汝善車匿所語不虛其理雖然
汝今諦聽我爲汝說世間五欲會歸無常非究竟法
不令心安亦得還失速疾如流不暫停住如草上露
不久消散猶如空拳誑於小兒如芭蕉心無有真實
如秋雲起乍布還收如閃電光忽出還滅如水上沫
無有常定如熱陽炎誑惑於人而說偈言

諸五欲之事 猶如魁膽机 如刀刃塗密
如借他器用 如新死哭泣 如夢見快樂

寤後覓還無 猶如弗貫人 如樹果子熟
不久當墮地 如惡人刀杖 殺怨無慈心
猶如割肉瘤 當受大苦惱 如執大火炬
不慎而燒身 妙色天人果 久長受樂已
心無有厭離 已得復能求 猶如人熱渴
更復飲鹹水 求諸五欲等 不厭離亦然
是故若智人 欲離諸五欲 猶如毒蛇頭
若求長壽命 遠離如毒藥 亦如大火聚
若有智慧人 應當遠捨離 諸有生死者
一切不堅實 念念不暫停 世法應如是

壽命無自由 決至向死鬼 如是思量已

莫住於世間

爾時太子說此偈已告車匿言車匿五欲之事有如
是等多種過患車匿王位亦然以種種苦衆患雜亂
我見如是可畏相故寧住於此曠野之中共諸飛禽
走獸盜賊恐怖之處獨起獨行遠離欲樂我意樂此
彼非所願車匿汝聞我作如是語已莫復違我此之
大事車匿我於如是法行之內當開法眼汝須隨喜
不應障我是時車匿白太子言大聖太子太子若定
作是心者我今不敢違聖子勑如聖子教我還向家

爾時太子讚車匿言善哉善哉大善車匿汝今如是順從我意獲大善利汝作事善是時太子身上所有諸寶瓔珞皆悉自解口作如是大弘願言此是我今最後在家莊嚴身飾此是我今最後在家莊嚴身飾解已手持將付車匿付車匿已復作是言車匿汝將此等諸寶瓔珞歸付與我諸眷屬等是時車匿卽取彼等諸寶瓔珞受已更問於太子言聖子若我至家將此瓔珞付於聖子諸眷屬時脫彼眷屬問於我言車匿汝今何故將我太子送至他國而捨獨來車匿悉達太子復更囑託我等何事彼等若問我如是事當作何報太子又言車匿汝若至家爲我頂禮父王淨飯并及姨母摩訶波闍波提自餘尊者一切眷屬悉皆問訊車匿爲我詰啓淨飯大王作如是言我今實知父王恩深但我爲證阿耨多羅三藐三菩提故所以違離若得證已卽當還家奉見大王又別爲我詰白姨母摩訶波闍波提國大夫人勿爲我故生大憂愁聖子必得成大善利迴還共母歡喜相見又我宮內一切妓女及諸親族時年童子并餘釋種作如是言我今欲破無明暗網當得智明得智明已我當迴還入迦毗羅爾時太子從車匿邊索取摩尼雜飾

7 8 9 10 11 12 13 14 15 16 17 18 19 20 21 22 23 24 25 26 27 28 29 30

莊嚴七寶鞞刀自以右手執於彼刀從鞘拔出卽以左手攬捉紺青優鉢羅色螺髻之髮右手自持利刀割取以左手擎擲置空中時天帝釋以希有心生大歡喜捧太子髮不令墮地以天妙衣承受接取爾時諸天以彼勝上天諸供具而供養之爾時淨居諸天大衆去於太子不近不遠有一華鬢名須曼那其須曼那華下化作一淨髮師執利剃刀去於太子不遠而立太子見已作如是言謂淨髮師汝能爲我淨髮以不其淨髮師報太子言我甚能爲太子報言汝若能者今可知時爾時彼化淨髮之師卽以利刀剃於

太子無見頂相紺螺髻髮當剃頭時帝釋天王生希有心所落之髮不令一毛墮墮於地一一悉以天衣承之受已將向三十三天而供養之從此已來今諸天上因立節名名供養菩薩髮髻冠節至今不斷爾時太子自解其身一切瓔珞及以天冠剃去髮鬚剪落旣訖觀於體上猶有天衣見已念言此衣非是出家之服出家之人在於山間誰能與我袈裟色衣如是念已應時化作獵師之形身著袈裟染色之衣手執弓箭漸漸來至太子之前相去不遠默然而住是

時太子見彼獵師身著袈裟手執弓箭見已卽語作如是言山野仁者汝能與我此之袈裟色衣以不汝若與我我當與汝迦尸迦衣此衣價直百千億金復爲種種栴檀香等之所熏修汝何用是麤弊衣服袈裟色爲可取如是迦尸迦衣而說偈言

此是解脫聖人衣 若執弓箭不合著

汝發歡喜心施我 莫惜共我博天衣

爾時獵師報菩薩言善哉仁者我今與汝實不愴惜是時化人卽與菩薩袈裟之衣從菩薩取迦尸迦衣價數直於百千金者復以種種栴檀所熏菩薩爾時

心大歡喜受袈裟衣深自慶幸卽脫身上迦尸迦衣與彼獵師時淨居天所化之人從菩薩邊取迦尸迦微妙衣已卽於其地以神通飛上虛空中如一念頃還至梵天爲欲供養彼妙衣故於菩薩前以天神通乘空而行菩薩見已生大歡喜希有勝尚奇特之心於此袈裟染色衣邊復更倍生感重至到歡喜之心爾時菩薩以荊頭訖身得袈裟染色衣著形容改變旣嚴整訖口發如是大弘誓言我今始名真出家也是時菩薩遣車匿還淚流滿面以送車匿分別訖了獨一無雙體上旣披袈裟色服安詳徐步向跋伽婆

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35

仙人居處是時車匿曲躬頂禮菩薩兩足圍繞菩薩
 三市而迴車匿既見菩薩割意不肯還家兼其身體
 著袈裟衣頭無天冠鬚髮悉剪身體復無諸寶瓔珞
 幷及微妙迦尸迦衣如是一切種種悉無旣遙見已
 上舉兩手大呌盡聲號天而哭投身撲地心意悶絕
 良久乃蘇蘇已還起諦觀立地視菩薩行更復舉聲
 稱冤而哭以其兩手抱犍陟項悲咽哽塞大聲呼嗟
 良久哭已觀見菩薩心意不迴無可冀望將諸瓔珞
 及以衣裳并牽馬王犍陟迴反欲向家歸此是身還
 實非心捨其行道路或時思惟或舉聲哭或復悶絕

躋倒於地或處直立不能前行或處思慕不樂而坐
 車匿如是心懷愁惱多種自現諸苦相已漸漸次到
 迦毗羅城其犍陟馬數數迴頭觀看菩薩作聲嗚喚
 逐車匿後淚下而行其馬已前多足氣力歡喜縱逸
 以見菩薩捨家出家剃鬚髮故苦逼憂愁恒常懊惱
 身形羸瘦氣力消盡假使是馬瓔珞莊嚴以心離別
 於菩薩故無有威神無有威德迴顧數觀瞻看菩薩
 而作大聲淚下滿面悲鳴而行在於路上不食水草
 以飢渴遍行步羸弱威力威神悉皆減損不復能行
 其眼中淚恒常不乾菩薩初騎所發到處止半夜行

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

經

佛行集卷第

三

事八

今以苦逼身羸弱故迴還八日始得至家而有偈言
菩薩初出半夜行 車匿辭別牽健陟
以苦逼切失威勢 回還八日乃到宮

車匿等還品第二十三之一

爾時車匿將馬健陟辭別太子迴還歸至迦毗羅城當初入時譬如有人入於空宅其迦毗羅城之內外四面周市或復園林或復泉池或復渠河或復苑囿以太子捨行出家故無有威神彫悴枯竭其迦毗羅城內所居人民大小遙見車匿將領馬王健陟還歸不見太子以不見故悉隨車匿及健陟後次第而行

諸車匿言悉達太子今在何處是時車匿流淚滿面哭泣哽咽不能得言時彼城內一切人民悲泣啼哭隨逐車匿及以健陟行則隨行心生疑惑而問車匿作如是言其王子者今在何處於我國內生大歡喜今汝何處捨離而來是時車匿隨行隨報彼諸人言我實不敢捨背聖子而彼聖子捐棄自宮捨俗衣形并發遣我及馬健陟令使來還太子獨自在山出家是時城內一切人民聞此語已心生奇特希有之事而讚助言未曾有法各各對面共相謂言悉達太子難行能行時彼城內一切人民口雖如是稱說彼言

經

佛行集卷第

三

事八

7 8 9 10 11 12 13 14 15 16 17 18 19 20 21 22 23 24 25 26 27 28 29 30

而其淚下猶如流水復各訶身作如是言咄我今者可共隨其相逐出家至於彼處看人師子徒步行者我今寧應至彼隨行勿令一日離別聖子而存活命所以者何此城今無彼聖子故無有威神無有勢力此城以無於太子故寂寞今與曠野無異彼所居處以有太子威神力故山澤叢林還城聚落而有偈說

城內人民聞此言 口稱希有如是事

此無悉達成曠野 彼有太子如國城

爾時馬王健陟鳴喚城內所有一切人民悉在自家各聞其聲聞已一切所有人民及兩宮內諸妓女等

作如是心謂言太子迴還入城是時人民及以宮內所有妓女或開牕牖或撥門簾以歡喜心遙望太子時彼人民及宮妓女唯見馬王及以車匿離別太子獨自而來見已各還閉牕門戶退入家內稱冤大哭時淨飯王以愛苦惱逼切身故思惟欲見悉達太子卽入齊堂潔戒淨心修持苦行憂愁悵怏内心日夜求守一切諸天諸神復作種種方便因緣欲求見子以慰心故爾時車匿苦惱憂悲淚下如兩手執健陟并及太子緣身瓔珞無價寶冠擎持將入淨飯王宮譬如王子於戰鬪場被怨敵殺其從左右將馬瓔珞

789101123456789201234567893012345

入於王宮如是如是其奴車匿離別太子將馬服玩
兩淚而入大王宮中亦復如是車匿入時其馬健陟
在淨飯王宮門之外欲入門內觀瞻太子左右行動
坐臥之處不見太子淚下如流跑地大鳴譬如有人
於大衆中說苦惱事時淨飯王宮內所有種種諸鳥
孔雀鸚鵡鶴命命俱翅羅等種種諸鳥聞健陟聲
亦謂言是太子歸家彼等歡喜各自出聲和雅而鳴
如是健陟作於聲已所有大王廄內餘馬聞健陟聲
亦謂太子歸來向家一切歡喜皆悉鳴喚其淨飯王
宮內媛女衆多百千摩訶波闍波提等復有太子宮

內媛女六萬餘人及其大妃耶輸陀羅等念太子故
大生憂惱瀝淚滿目各任本容不復洗梳身體衣裳
皆悉垢膩捨諸一切妙好瓊瑤憂愁悵怏心意不安
或哭或啼或思惟坐聞健陟鳴各相謂言如是健陟
作是鳴聲決定是我太子歸家無有疑也彼等既聞
捷陟聲已心大歡喜渴仰欲見於太子故摩訶波闍
波提耶輸陀羅等多千媛女各於自房或在樓上或
在殿中或在室內欲見太子渴仰忽起急走集聚向
於車匿及健陟邊彼諸媛女唯見車匿及馬健陟離
別太子而來向宮彼旣見已各舉兩手叫喚大哭流

78 9 10 12 3 4 5 6 7 8 9 20 1 2 3 4 5 6 7 8 9 30 1 2 3 4 5

經

佛本行集經卷第十八

淚滿面口唱太子種種諸德而有偈說

彼等妓女心苦切渴仰欲見太子還

忽覩車匿馬空迴淚下滿面叫喚哭

解絕瓔珞妙衣服散被頭髮身瘦羸

各舉兩手無承望啼號不眠徹天曉

佛本行集經卷第十八

金壇于玉德爲
亡父見素府君

母虞太安人施刻此

卷以資冥福計字五千九百六十四個該銀二
兩九錢八分二厘

崇禎十五年孟夏月本邑顧龍山識

佛本行集經卷第十九

隋天竺三藏法師闍那崛多譯

車匿等還品第二十三之二

爾時摩訶波闍波提及瞿多彌旣見太子髻裏明珠
傘蓋橫刀并摩尼寶莊嚴蠶拂自餘瓔珞健陟馬王
及車匿等如是見已心大驚怖各舉兩手搃拍身體
憂愁而問於車匿言今我所愛子悉達多留在何處
汝自迴還車匿報言國太皇后悉達太子棄捨五欲
爲求道故出家入山遠離親族剃髮染衣思惟苦行
是時摩訶波闍波提聞於車匿如是語已譬如犧牛

失其犢子悲泣號哭不能自勝其摩訶波闍波提從車匿聞太子之語亦復如是卽舉兩手心驚怖裂口大唱言嗚呼我子嗚呼我子流淚滿面徧體顫慄忽然悶絕身躰倒仆宛轉土中如魚出水在於陸地跳躰苦惱摩訶波闍波提亦復如是躰地宛轉嗚咽而語問車匿言車匿我今不見自身有過及心口失負特於汝汝今何故忽將我子擲棄曠野猶如擺木汝將我子置彼林內令共種種諸惡虫獸恐怖之中獨自而住汝棄捨來不怜我子而身背乎車匿報言國太夫人奴身不敢棄捨太子夫人太子自棄捨奴太子付我捷陟馬王及諸瓔珞教來迴還速疾向家畏太夫人心生憂愁令得安隱無惱患故時彼宮中諸妓女等各各啼哭而口唱言嗚呼阿爺或復唱言嗚呼兄弟或復唱言嗚呼大家或復唱言嗚呼我夫以此種種愛戀酸言欲染根本叫喚苦身或有妓女轉目而哭或有妓女相視而哭或有妓女迴身而哭或有妓女舉頭而哭或有相觀面目而哭或有兩手指肚而哭或有兩手撫心而哭或以灰土坌頭而哭或以兩臂相交而哭或有散髮覆面而哭或拔鬢髮低頭而哭或舉兩手仰天而哭或

有妓女以悲苦故東西南北交橫馳走猶如野鹿被
毒箭射或有妓女以衣覆面叫喚而哭或有妓女偏
體戰慄猶如風吹芭蕉樹葉低昂而哭或有倒地悶
絕不知少有餘命纔出聲哭或有妓女如魚出水擲
置陸地宛轉而臥微有喘息劣餘殘命綿惙而哭或
有妓女猶如掘樹倒臥在地宛轉而哭諸如是等種
種苦惱以逼切身號哭太子是時車匿及馬犍陟并
彼無量百千妓女哭泣之聲不可得聞摩訶波闍波
提流淚悶絕少蘇卽便大哭太子口唱是言嗚呼我
子嗚呼我子汝身本時以種種香摩塗拂拭成神大

德而用莊嚴今者云何在於山谷爲諸蚊蟻細小毒
虫唼喋汝身能忍此苦住於曠野嗚呼我子汝身恒
以迦尸迦衣薰香所覆今者云何麤澁臭衣能忍著
身嗚呼我子汝在家時清淨妙香百味所作種種羹
臞潔白之食自餘惡雜不會向口今者云何忍食麤
澁冷淡飲食或飯或麩或餅或漿云何空餐此能得
下嗚呼我子在於宮內細滑牀敷柔軟裯蓐或覆天
衣或復兩邊夾置倚枕或臥或偃隨意自在今者云
何在赤露地或棘針叢麤草之上忍得臥眠嗚呼我
子在家之時或有奴婢或有左右恒常供承哀愍之

78910123456789201234567893012345

心或有倚身或有胡跪或有立地向汝面觀而得奉事無所乏少今者云何瞋恚之人或有貧窮或有焦煎向汝無慈汝何能觀取其意氣嗚呼我子在於家內以妙華色可喜端正姝女羣隊左右圍繞而受快樂汝今云何在於山曠猶如野獸恒常恐怖獨坐獨行心乃娛樂嗚呼我子善生羅網所覆長直脚指柔軟腳踝腨脛猶如鹿王掌底柔軟如蓮華葉二輪莊嚴分明顯著今汝云何如是脚跡徒跣踢地或有棘針或有沙礫或時冰凍或時炎埃何忍東西將此行為是時摩訶波闍波提作如是等無量無邊諸種語言

言哭太子已心薄穎醒得復本念從地而起問車匿言車匿此事已然我子悉達行路之時向汝何囑車匿我子所有柔軟青色紺黑頭髮復誰割也車匿我子頭髮今在何處車匿報言國太夫人太子悉達語我言車匿汝至我家爲我殷勤再拜問訊我母摩訶波闍波提若再拜已作如是言諮啓太母願莫大愁莫生苦惱莫憶於我子不久得如心所願得卽迴還奉覲太母其聖子手自拔於刀左執頭髮右手持刀而自割截擲於虛空諸天接取將還天宮爲供養故是時摩訶波闍波提旣聞車匿作是語已復更重

哭太子髮髻嗚呼我子頭髮甚長柔軟螺髻極能端正一一毛孔一毛旋生不亂不斷堪著王冠受於王位汝今何忍割截擲棄嗚呼我子兩臂甚長行步詳序如師子王兩目圓滿猶如牛王身體金色胸�寬大聲音隱隱如鼓如雷如是人者何堪出家居在山野今我此地無有福相如是人者行如法行此地倒已復不能起爲世作主我願一切有德之人諸功德具值於法王出現於世令諸大衆安隱快樂而有偈說

必其此地無有福 不應生是智慧人

旣現如是功德身 應當爲世作聖主

爾時耶輸陀羅大聲叫哭一瞋一罵雜種語音呵責車匿作如是言車匿我婦女人年少夜半睡眠沉重無所覺知汝今把我心中所愛如意聖夫將何處置車匿去此近遠我之聖主善天丈夫并汝及馬三平等行車匿捷陟唯一獨來在於我前不見我心所愛聖主是故我今身心顫慄車匿汝非善人不潤益我車匿我今要言假使酷暴極瞋怨家猶尚不能如是損害似汝今日躡頓於我車匿如汝是我所歸依者應覆護我應養育我汝今云何見我夜半惛亂睡眠

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

卷之二十九

三

汝私竊偷將我聖主向何處著車匿卽汝今是最大怨讐所作之事今已訖了汝復何須懊惱啼哭汝宜拭面何用強悲虛瀝目淚車匿汝不善業今作已竟不假須哀車匿以汝爲我聖夫善友禁節入出可行則行不可則制今反相從令我聖主隨意而出車匿用汝何爲汝今作是不善事已應須歡喜我知汝今大獲果報大德福利車匿凡世間人寧取有智以爲怨家不將愚癡共作朋友車匿汝雖於我夫處爲友而汝作事不會思惟所以者何車匿汝於我家今已造作不利益事汝今應當生大慶幸車匿此諸宮殿

高峻莊嚴猶如雲隊復以種種瓔珞廁填財寶充滿今爲汝故悉皆虛空卽向車匿而說偈言

凡人寧近智慧怨 莫取愚癡作朋友

由汝作事不思審 令我合家苦腦煎

爾時耶輸陀羅說是偈已重語車匿作如是言車匿我今何得心不憂愁向者我夫若當相對今日此等諸姝女輩色白如雪脣赤如朱可喜少雙端正第一解身瓔珞脫妙衣裳應須共同受諸欲樂誰知一朝忽成孤寡以無主故眼淚晝夜恒如水流啼哭呼號常無斷絕車匿又此捷陟與我長夜恒作怨憎不爲

利益見我夜半睡眠不知負我心中所愛之主從城而出此馬作業極深不善何故今者在於我前苦痛而鳴令聲徧滿大王宮內其先將我聖子出時此不善馬何故默然飲氣而行若初去時如是鳴喚彼時卽應聞其聲響諸人睡覺我今亦應不見如此大苦惱事此不善馬假使箭射穿穴其身或以杖殺應不合出行向山林是故此馬不爲我家作於利益正以畏懼少鞭杖故將我内心所愛最上聖主丈夫出向山藪我今此宮以無主故殿堂房室聚落城隍國邑街衢樓閣牕門闕欄楯曲尺琅玕半月殿形微妙殊勝最上華麗今悉空虛爲此馬王惡犍陟故令我皇閨猶如曠野舉目灑地無處可貪耶輸陀羅作於如是多種苦切痛楚悲泣酸哽言時不可聞見迷悶暫停其車匿聞耶輸陀羅作是言已低頭屏息合十指掌垂淚大哭報聖子妃耶輸陀羅作如是言妃今不應訶責犍陟亦復不合瞋罵於我我無過失我及犍陟實無罪咎妃之聖夫初始去夜我作多種衆諸障礙所謂唱叫我於爾時大聲喚妃以種種語作如是言大妃速起大妃速寤今夜此宮妃所愛夫欲將於我及犍陟去手執頭髮一一出示耶輸陀羅此之

頭髮爾時我拔姓媛女取此是姓甲媛女頭髮此是姓乙媛女頭髮各各稱名而告語彼爾時不覺自餘媛女一切悉然此捷陟馬聖子去時亦作障礙一千餘徧出聲嗚喚以蹄踢地前却不行又以領車張鼻震吼此馬鳴時其聲所聞至半由旬其蹄聲聞一拘盧奢我於爾時唱語妃言妃之所愛今夜去矣妃及其餘諸媛女等自不覺知如是等聲又是諸天神力隱沒不令得聞大妃妃須知我及以捷陟實不敢將聖子去也如是測度知妃聖主取我語不聖子若依我語而行終無是事卽向於妃而說偈言

我今不忍眼淚流 合掌低頭更諮詢

妃實不合訶責馬 幷及我邊不得瞋

大妃我昔亦知淨飯大王舊有嚴勅一切左右善用心守護太子我雖先知有如是教但不自由諸天力強惑我心意所欲作事不得從心聖子所行並天神力唱宜出家爾時心念城門自開彼諸宮門從來各有多千人衆心不放逸守護諸門彼等皆著睡眠不覺聖子初出宮門之時如日初昇放大淨光破一切暗我於爾時自知此是諸天所作大妃我於爾時聖子出城行路之時我最在前徒步而走我於爾時

身不知之大妃此犍陟馬行於路時脚不蹋地猶如
有人輿而將行其作聲時亦不遠聞大妃我於爾時
私心思念亦知此是諸天所作大妃我於彼時聖子
如法樂沙門衣袈裟色服從他乞取其自身衣解付
與他髡髮割截擲虛空中而不落地諸天接取我於
爾時心念知是諸天所作大妃以如是故妃今不應
於我輩邊生於瞋恨所以者何不由我故亦不關馬
將聖子出爾時大妃耶輸陀羅臥於地上少時思惟
以種種語悲啼號哭作如是言嗚呼我主何故今者
我如法行孝順向夫捨我而去向彼欲求於法行者
彼無正法以其不能隨法行故嗚呼我主可不聞彼
往昔諸王欲向山林求法之時將婦及兒相隨而去
彼等諸王無妨聖道亦得成就嗚呼我主彼豈不知
有如是法諸人猶尚共婦剃頭出家修道精勤苦行
將於好馬祭祀諸天作無遮會於未來世二人同受
上妙果報若知韋陀論中說法何故今者獨於我邊
作法慳惜不共行法咄咄空往徒生人中若知世間
其於婦人有恩愛情云何棄捨欲生於彼三十三天
貪於玉女我意今見如是之事彼天玉女有何可貪
有何端正有何五欲歡樂事情若其不貪於彼快樂

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

捨此王位威神功德及與我等諸殊女輩既棄捨已
出家而入空閑山林欲行苦行我今不取天上果報
亦不羨天玉女之身我心知足我有是力我在於此
不用生天但於此處修行苦行乞如是願若在人間
若在天上唯願伏事如法之主彼心決定如是剛硬
若捨我等入於空山閑靜林野我心亦然堅固不轉
如石無異最牢最實若如我今無夫之婦以見自主
從家而出行至山林使我孤單獨在空室何得令心
而不破裂卽說偈言

我今身心甚大剛 如鐵共石無有異

主捨入山宮內空 何故我今心不破

爾時耶輸陀羅如是因緣爲於太子苦惱逼切而心
迷悶忽然躯地須臾還起或時舉聲悲哀號哭或時
默住低頭思惟或時忽驚狂言漫語彼之我夫今何
方去彼我聖主今何處停使我孤榮獨居宮內棄我
捐我捨背我行我從今去不得聖子不臥本牀亦復
不以香湯澡浴亦復更不莊嚴自身不揩摩拭不脂
粉塗又更不著雜色衣服從今已後不著雜種諸瓔
珞具不以香華薰佩於身不食美食不飲美漿一切
酒等皆悉不飲常食勝食今更不食頭上素髮更不

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

嚴治雖在於家恒常作於山林之想而行苦行乃至
不見彼之最上勝大丈夫我見一切諸園林池泉水
殿堂悉滿塵土猶如曠野一種無異以迦毗羅聖子
無故一切宮閣一切樓觀悉無精光猶如沙磧以此
憂愁苦惱心故不能自持失於正念無復愧恥無復
羞慙其耶輸陀羅臥在地土作於如是苦惱宛轉狂
語之時宮內所有諸妓女等悉皆同聲叫喚大哭流
淚滿面而有偈說

如是苦惱逼切彼 妓女及妃耶輸陀

各各相觀眼淚流 猶如盛夏降大雨

爾時車匿見耶輸陀羅作於如是諸苦惱已諫言大
妃莫生如是酸切懊惱莫大悲苦應須暫停莫憶聖
子聖子出時雖在人間與天無異威神氣力與天不
殊聖子出時諸天圍繞右邊則是諸梵天王及梵眷
屬左邊帝釋及諸三十三天眷屬其東方有提頭賴
吒乾闥婆王其南方有毗妻勒又鳩槃茶王其西方
有毗妻博又及諸龍王其北方有毗沙門天領諸夜
叉左右圍繞其身悉著金剛鎧甲或執弓箭或執戟
槊或復在於聖子之前示現道路或復在後防衛聖
子或在於左或復在右隨從而行其虛空中常有無

7 8 9 10 11 12 13 14 15 16 17 18 19 20 21 22 23 24 25

量諸天玉女百千萬衆悉大歡喜偏滿其體不能自勝將天雜華散聖子上散已復散是時聖子見於彼等諸天玉女内心亦復不喜不樂不愛不瞋不取不觸其聖子情如是不著彼等所用國母大妃聖子出時諸天如是示現神通所有諸事供養聖子我今難可一一具說說是語已時第二妃瞿夷聖女譬如大樹枝折下垂不能自舉瞿夷聖女爲於太子受大苦惱其心煩惱爲彼憂愁熱火所燒徧體顫慄臥於地上宛轉大哭口唱是言嗚呼我主心常歡喜嗚呼我主面如滿月嗚呼我主端正少雙嗚呼我主最上最

勝諸相具足嗚呼我主清淨之身世間無比支節不缺次第善生猶如金像嗚呼我主功德最勝嗚呼我主大慈大悲天人所供嗚呼我主勇健多方如那羅延無有怨敵能降伏彼嗚呼我主梵音微妙出聲猶若迦陵頻伽嗚呼我主名稱遠聞嗚呼我主百種莊嚴福德之聚於天人世無與等齊嗚呼我主功德圓滿諸仙見者悉皆喜歡嗚呼我主名聞上下四方四維悉皆尊徧供養之聚如智慧林嗚呼我主於世間中古味最上嗚呼我主口脣紅赤如頻婆果嗚呼我主雙目紺炎如青蓮華嗚呼我主口四十齒清淨潔

白如乳如練如雪如霜嗚呼我主鼻高隆直猶鑄金
錠嗚呼我主眉間白毫正住清淨嗚呼我主兩鬚圓
厚寬廣齊平腰細纖長猶如弓把手足柔軟嗚呼我
主臂脰臂肘猶如象鼻手足正等爪皆紅赤嗚呼我
主此之瓔珞看日所作吉星吉宿大淨飯王造作之
時生天歡喜今者何故乃得別離我今亦復不喜見
於此等瓔珞時瞿多彌以苦惱心數數恐怖數數驚
惶猶如野鹿被他驅逐落於圍內手執刀槊或復弓
箭用射其身受大苦痛東西馳走觀察四方無能救
護可令免脫時瞿多彌心亦復然語言不正在於宮
內自諸殿中東西南北求覓不得悲泣叫聲淚流滿
面無有救護受大苦惱復大唱言聖子在此此處猶
如忉利天宮一種無異諸物具足亦如帝釋威德巍
巍光明熾盛今悉失盡今以聖子忽然無故其城猶
如尸陀之林或如山澤或如曠野我在於此宮殿之
中共於聖子受無比樂生大歡喜無有猄離今聖子
無意不樂著譬如魚鼈出於水中居在陸地無有暫
樂何況意樂我亦如是聖子無故有何樂心猶如過
春諸蜂無樂以華無故不著彼林不貪彼樹我今亦
然無聖子故此之室內有何歡樂嗚呼我主坐起之

7 8 9 10 11 12 13 14 15 16 17 18 19 20 21 22 23 24 25

處恒作音聲宮中妓女以歡喜心作大歌舞今此宮殿一種不殊而令於我忽生憂苦心意不歡何況妓樂嗚呼我主身著微妙種種香華瓔珞自嚴塗香未香隨時供足無所乏少應正受樂稱心歡喜云何忽然棄捨而去譬如虛空起大雲隊閃電雷鳴放大雹雨忽然不現聖子亦然次受王位應須受樂無所短乏棄捨而去必我往昔精妙施已心還生悔以心悔故今得是報雖受果報無量深善忽然復失以悔業故今成寡身我今薄福失於如是最上勝人咄此恩愛會無多時須臾便失猶如戲場作大歡樂忽然還

散現事如此又傳聞道往昔王仙修習寂靜制伏諸根證於禪定至彼空林斷一切殺身專苦行食諸妙藥及於甘果隱處山藪共婦相隨而行梵行今彼何緣獨向山野而自精勤時瞿多彌抱犍陟頭舉聲大哭嗚呼健陟無慈之馬共汝一時同生聖子今在何處汝復何故夜半將去不語我知訶責車匿而作是言咄汝車匿特無慈心我既睡眠何故不喚此既是
我心中所愛今忽捨去汝以何故不語我知令我久長獨眠獨坐真實大苦咄汝車匿爲我論說聖子去時云何而行復誰將引在於此宮是誰導出行向何

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

方今至何所妃瞿多彌如是訶叱責車匿已復更和
輞語車匿言事旣已然汝善車匿汝親送來知聖子
處汝將我等往詣彼所我等身當隨於聖子修習苦
行專精求道還望來生共於聖子同生天上爾時車
匿聞瞿多彌如是種種嗔喜言已心生悵怏倍更憂
惱苦痛熾盛逼切其身淚流滿面強自抑忍安詳慰
喻瞿多彌心作如是言願妃善聽且莫憂愁亦復不
須如是哭泣計應不久得見聖子所以者何當於聖
子遣我還時而語我言汝車匿去至於宮內爲我問
訊一切眷屬并我妃等及諸釋種童子知親我故遣

汝迴還向宮慰喻彼等爲我語彼作如是言我今已
除貪恚癡網不久當成智慧等覺成已卽許迴反還
入迦毗羅城我知聖子決得利智稱心等願迴還不
疑定知如是最勝衆生不虛妄語時淨飯王如是苦
惱於其宮裏祭祀諸天所作已辦遙聞太子宮閣之
內大叫哭聲王便從自宮殿而出是時車匿卽將太
子瓔珞金蓋并馬犍陟牽詣王前一一顯示承太子
命殷重囑故頭面頂禮淨飯王足涕淚交流嗚咽滿
面依具奏知時淨飯王見其太子諸寶瓔珞并及金
蓋馬犍陟等兼復聞於太子所囑恩慈言語不覺忽

7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4 5

然大叫唱吼失聲啼哭作如是言嗚呼我子中心所愛誰期如是時淨飯王念太子故憂苦切身迷悶倒地無所醒覺而有偈說

王聞菩薩誓願重 及見車匿健陟還

忽然迷悶自撲身 猶如帝釋喜幢折

爾時淨飯王宮所有釋種諸親族等見淨飯王身撲倒地彼等皆悉大生憂苦心無歡樂各自舉聲號咷而哭口唱種種悲苦之言大叫大呼如上所說時迦毗羅城內所有人民大小以其別離聖太子故各各稱冤大聲而哭思念太子如是次第諸眷屬等齊共

慰喻於淨飯王時淨飯王憶太子故憂惱之心不能暫捨諸親族等或有言說開解王者或有扶王令起坐者而王雖坐少時還倒悶絕不醒或時暫蘇啼淚滿面而勑車匿作如是言汝之車匿何故不遣太子還宮時其車匿卽白王言大王當知我亦大作_戒勤方便欲令聖子降意歸還但聖子心無所染著於世間中所有俗法一切棄捨無有樂心卽語我言汝莫諫我我今不用一切五欲棄捨一切眷屬國城唯樂山林泉流靜處時淨飯王重聞車匿作是語已兼見太子諸瓔珞具在於地上身卽頂禮滿面淚流大聲

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

而哭語車匿言我今力窮無復意氣手足悉折猶如
杌株我今別離此愛子故如樹無枝唯根幹在於外
諸國今見輕欺又我單身無所能作如樹被電爲諸
小兒之所戲弄嗚呼我子最上最勝微妙丈夫可喜
形容端正無匹柔軟童子違離心願何故出家棄捨
五欲心所樂著背我而去嗚呼我子諸相具足百福
莊嚴一一相中皆並備悉嗚呼我子身體諸好皆悉
徧滿嗚呼我子伺諸妓女睡眠不覺忽然而出嗚呼
我子昔在宮內我無一愁嗚呼我子諸王家勝嗚呼
我子上世以來恒在諸王上族中生嗚呼我子何故

忽捨王位出家嗚呼我子恒爲多人之所喜見若男
若女老嫗丈夫眼瞻視時無不歡悅嗚呼我子善巧
多智嗚呼我子棄捨四方及諸七寶一切眷屬獨自
出家嗚呼我子猶如白象破大樹木背宮出家嗚呼
我子汝出宮時所有城門難開難閉設開閉時其聲
遠徹云何今者使我不聞決當諸天隱蔽彼響嗚呼
我子今此處所迦毗羅城諸釋種子無所可望以汝
悉達捨出家故嗚呼我子迦毗羅城諸釋種子所有
資財金銀珍寶穀麥倉庫自餘錢物能得棄捨猶如
涕唾背而出家嗚呼我子我以爲汝造諸時殿春夏

7 8 9 10 11 12 13 14 15 16 17 18 19 20 21 22 23 24 25

秋冬汝今云何棄捨而行娛樂曠野無人之處唯與諸獸山林爲樂嗚呼我子昔者諸仙二種受記以是因緣我昔歡喜徧滿其身不能自勝我於爾時不覺頂禮兒之二足嗚呼我子汝今出家護城諸神悉皆棄捨此城而去嗚呼我子面圓如月嗚呼我子牙齒白淨目如牛王嗚呼我子昔聞汝語心生喜歡今日憶想反成憂苦嗚呼我子恒以妙好多伽羅香栴檀沉水牛頭栴檀用塗其身種種瓔珞所莊嚴身末香薰香燒香所薰柔軟之體今忽不見嗚呼我子愛戀之心徹我皮肉筋脉骨髓而在中住今忽捨出入山

林間

佛本行集經卷第十九

音釋

仆芳遇切攏北買切攏而振也憚陽劣
舍吸僵也麌尺沿切麌必郢切踝胡瓦切腿兩腨特充
也脛乾根也麌麌發也踝傍日內外踝腨切腓
也脛胡徑脛切脚也跣息淺切足博補各切
渠營切脚也跣親地也蹠脚利切
獨也鑄金入範也鋌侍頂切肥必鬻切弓附
附柳切樹威遇切老肘中手執處也

臂節也杌無枝也嫗婦之稱

7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35

經

佛本行集經卷第二十

上

卷二十

金壇于玉德爲
亡父見素府君 母虞太安人施刻此
卷以資冥福計字六千九百二十四個該銀三
兩四錢六分三厘
崇禎十五年孟夏月本邑顧龍山識

林間

佛本行集經卷第二十

隋天竺三藏法師闍那崛多譯

車匿等還品第二十三之三

時淨飯王復作是言我今心願所有四方護世神王
護諸衆生今爲我子成利益故恒相佐助天上帝釋
千眼天主舍脂之夫大力天王及諸天衆左右圍繞
願爲我子所有心求願作佐助又世諸神風神水神
火神地神四方四維彼等諸神皆作佐助汝最勝者
無上丈夫何故棄捨四大天王彼之我子今捐家出
志慕無上極妙聖果其所欲求願速成就阿耨多羅

7 8 9 10 11 12 13 14 15 16 17 18 19 20 21 22 23 24 25 26 27 28 29 30

三藐三菩提道使早證明其淨飯王臥於地上以種
種語訶責健陟作如是言汝不善馬從來多種爲我
所作愛樂之事今日何緣忽不饒益如是損害於釋
種家我之太子恒常愛汝與我心合常作歡喜汝今
如是汝須覆滅汝可將我向太子處我共愛子共行
苦行我今離別所愛子故命在須臾不久存活而說
偈言

健陟汝馬速疾行 將我詣彼還迴返

我無子故命難活 如重病人不得醫

時淨飯王說是語已因愛子故苦切所逼臥在於地

作如是等受苦惱事舉聲大哭乍撲乍起聲音哽咽
爾時有一智慧大臣并及國師婆羅門等見淨飯王
宛轉于地左倒右扶心大愁毒悲苦纏迫意不暫歡
身心一時生大熱惱其等欲開解王意故故現顏色
自無憂愁共白王言大王今者宜可捨諸憂愁苦惱
定於自心須作健想不應如是悶絕自撲猶如凡人
涕泣流淚所以者何大王當知如昔過去多有諸王
棄捨王位如萎華蔓背而入山又復大王太子悉達
宿緣當受如是業報大王今者應憶往昔阿私陀仙
預受其記白大王言彼童子者不可拘以人天果報

7 8 9 10 11 12 13 14 15 16 17 18 19 20 21 22 23 24 25

並及轉輪聖王之位而期待之使令貪愛暫住於世
大王今者若決定欲喚太子還但勑我等二人令去
當隨王命終不敢違時淨飯王卽報之言汝等二人
若知時者可速疾往至太子邊若不爾者我今身命
無有吉祥爲諸苦惱之所纏逼是時大臣并國師
婆羅門等聞淨飯王如是勑已卽共發行詣太子所
而說偈言

太子應受如是業 王當念昔私陀言

記彼不貪天轉輪 寧樂人間五欲樂

時彼大臣及國師等說且答語已相與俱行其馬犍陟

處處聞於如上苦切訶責言已意甚憂愁生大熱惱
以熱惱故無暫時歡心旣不歡卽便命盡命盡之後
應時上生三十三天旣生彼天後知如來得成道已
卽從彼天捨來下生中天竺國於那波城其城有一
婆羅門種具行六法卽爲彼家而作子息乃至漸大
至如來邊如來知彼往昔之時作於馬身命終生天
時佛卽說彼馬因緣旣聞法已漏盡解脫入般涅槃
觀諸異道品第二十四

爾時太子自手執刀割於頭髮剃除鬚髮身著袈裟
卽時無量百千諸天生大歡喜徧滿其體不能自勝

78910112345678920112345678930112345

以喜歡心齊出聲叫大歌大嘯弄諸衣裳口大唱言
 悉達太子今已出家悉達太子今已出家其定當得
 阿耨多羅三藐三菩提得已一切生法衆生當得解
 脫於彼生法乃至應受苦惱別離諸衆生等悉得解
 脫於此繫縛爾時菩薩割髮之處其後起塔名割髮
 塔菩薩身著袈裟之處後起塔稱受袈裟塔車匿犍
 陟辭別迴還向宮之處後起塔名車匿犍陟迴還之
 塔菩薩行路諦視徐行有人借問默然不答彼等人
 民各相語言此仙人者必釋種子因此得名釋迦牟
 尼爾時菩薩自心發起如是思惟我今既已捨於王

位捐自眷屬境界國城不可生悔此事成已是滅相
 法如是念已心轉勇猛爾時菩薩從彼阿尼彌迦聚
 落漸漸欲向於毗耶離中路有一仙人居處彼舊仙
 人名跋伽婆此言^{庵師}菩薩入彼仙人處時光明顯赫照
 彼山林菩薩既除諸瓔珞具并捨一切迦尸迦衣直
 是身威猶尚出光耀彼山林諸仙人眼而有偈說

菩薩象王師子行 除捨妙衣及瓔珞

直著袈裟麤法服 身猶威耀彼諸仙

時其林內所有持行婆羅門仙行住坐臥或手執持
 隨威儀住彼等一切向菩薩面起恭敬心愛樂尊重

或復生疑瞻仰菩薩然彼林內有諸耆舊婆羅門仙或取華果藥木草根其餘他行未集聚者彼等未見不生疑心但遠遙聞菩薩之聲旣聞聲已心驚速疾來還林中本所住處應所作者更不復作應所取者更亦不取其餘華果及藥草根設已取者亦悉捨之但心速欲來菩薩前時彼林內所有諸鳥所謂鴻鵠鵝鴨鸚鵡鶴鵠鴛鴦命命孔雀及迦陵伽俱翅羅等一切諸鳥彼諸鳥等見於菩薩入林中已各各自出和雅之音作微妙聲又彼林中所有虫獸其等一切悉捨水草不食不飲歡喜來向於菩薩前是時彼林

諸婆羅門爲祭祀故擊諸犧牛取於乳汁彼等犧牛雖復將訖而其乳汁猶更如初自然流下時彼一切諸婆羅門各相謂言曾聞有八婆娑婆天此人莫非是於其一或復有言諸婁宿天此是其一何以故自從其來入此林中此林放光皆悉明耀如日初出照於世間而說偈言

或八婆娑此是一

或二婁宿中一天

若不此林何故光

譬如世間日初照

爾時彼等諸婆羅門修習仙法居彼林者隨林所出供養之具將如是等諸供養具請於菩薩各各一心

7 8 9 10 11 12 13 14 15 16 17 18 19 20 1 2 3 4 5 6 7 8 9 30

7 8 9 10 11 12 13 14 15 16 17 18 19 20 1 2 3 4 5 6 7 8 9 30

齊頂禮足同共白言善來聖者我等諸仙欲請聖者住於此處此處所有華果樹林藥草根葉流泉冷水隨時堪可納受充用此是古仙之所居處欲求解脫易得安心此處空閑經行寂靜爾時菩薩以微妙語辭采音句美麗可觀聲隱隱深猶如雷鼓隨所堪受問訊相詣是時諸仙衆中有一婆羅門仙善巧居林苦行之法彼見菩薩好容儀已別更告一婆羅門言仁者知不此天童子洞識人心善解方便何以故凡世間人各相謂言我生諸子應當養育諸子長成則能爲我興立家計販賣求財造作生活我於當時求

智求道若負他債悉償令了如是思惟諸恩愛故養育諸子此則不然爲他求道不計自死不求自利時彼衆中復更別有一婆羅門告彼已前婆羅門言仁者仁者如是如汝所言世間之人不自覺知不自辯了常不知足但言我今須如是辦明日復須作如是辦我行法時猶尚未至如是一切諸世間人以迷惑故旣不辦於此世自利然未來世亦復不得成就諸利爾時菩薩從兜率天下來之時入釋種胎欲受生日彼時先於其跋伽婆仙人林中所居之處自然涌出二金色樹時彼二樹高峻長大而彼二樹當

7 8 9 10 11 12 13 14 15 16 17 18 19 20 21 22 23 24 25 26 27 28 29 30

於菩薩出家之夜忽然沒地一時不現其跋伽婆仙人見彼二樹同夜沒不現已心大憂惱悵怏低頭思惟念言必我衰時相貌所至或復更有惡相來耶菩薩見彼跋伽仙人如是憂愁低頭悵快心不歡喜漸至彼邊而白仙言尊者何故顏色憂愁低頭而坐時彼仙人報菩薩言天善童子此我居處往昔以來有二金樹從地湧出彼樹高峻嚴麗可觀我見彼樹今忽不現以其沒故我今憂愁心意不樂如是低頭思惟坐耳菩薩卽問彼仙人言尊者彼等二樹出來幾時仙人答言到今已來二十九年菩薩又問彼樹滅

沒爾來幾時仙人報言昨夜半時始沒不現菩薩卽語彼仙人言彼二樹者是我福力果報故生若我當作轉輪聖王我於此處作一善地園林之所我今既其捨離出家以是義故彼樹昨夜沒而不現以是因緣尊者勿復自生憂愁爾時菩薩爲於彼等一切諸仙左右圍繞於前行至彼所居處隨意遊行觀看種種坐起安禪苦行精進求道之處時彼林內有一仙人恒修苦行在菩薩後隨逐而行爾時菩薩入彼林中至於仙人居坐處已東西南北觀看彼中行住坐臥苦行居所欲求彼等最勝處故問於彼等諸仙人

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

言我今始入求道未久是故我欲借問諸仙唯願如法爲我解說汝此法行我曾未知汝等示現爲我宣說我得聞已如法奉行此處求利真實行者如於汝等所有苦行我亦依行彼等諸仙答菩薩言仁問我等一切苦行及求道法我等爲仁次第解釋凡行苦行此之衆內或有食菜或有食荑或食尼拘陀樹枝者或食頭拘羅樹枝者或食迦尼迦羅枝者或復止食一樹之枝或食牛糞或食麻滓雜果藕根或食雜種諸樹軟枝或復飲水而用活命或如蟻娘而自活命或復有如麞鹿食草而以活命或有立地而用稱心或有坐地而稱消適或食四口食而活命或復有持麻作衣者或黑羊毛而作衣者或草作衣或以野蠶綿作於衣或龍鬚草以用作衣或以莎草持作於衣或鹿皮作或以故破皮作衣者或亂髮作或毛燒作或以死人旛作於衣或糞掃衣或復裸形臥棘刺上或臥板上或臥株上或臥杵上或復住於尸陀林中或住蟻垤猶如蛇居或住露地或復入水或復事火或逐日轉或舉兩手安然立住或地蹲坐或不洗梳身全塵土或復螺髻或拔頭髮或拔鬚髮然我等輩以如是行自住持已次或觀時思惟而行或復願

7 8 9 10 11 2 3 4 5 6 7 8 9 20 1 2 3 4 5 6 7 8 9 30 1 2 3 4 5

欲求生天上或復有欲求生人間以苦行故然後其身始得安樂所以者何求法甚難要修苦行以爲根本而說偈言

如是修習苦行時 自有三十二天報

苦行精進後得樂 是故苦爲諸樂因

爾時菩薩雖聞諸仙如是苦行而眼未見其法極處心不喜歡而知此言未是真善還緩聲報彼仙人言我今觀看汝法雖有然苦須滅而後果報更無所去唯當生天又其一切諸天宮殿所有果報是無常法以行如上少果報故如是苦行旣須捐捨所愛親族

復去世間一切諸樂行於苦行遠離諸樂以求樂故乃更入於大牢獄中而說偈言

汝捨愛親及世樂 行於苦行欲生天

雖復謂言此出昇 不覺未來還入獄

爾時菩薩說此偈已復作是言若當有人爲苦逼身慚求勝處欲生天上以天中受五欲樂故不知厭離於未來世不免煩惱之所患害彼等仙人以苦行故還求大苦是諸衆生命終之時見大怖故求後好生以求生故還復不離於彼無常所以者何何處世間有諸恐怖還復染著彼之處所以於此世苦切逼故

求欲生天受於樂故慚望渴仰願求生彼所作未辦
還復墮於無利益處而亦不求厭離苦行亦不求離
苦身之法欲覓勝處過天上樂若有智人離此五欲
漸漸須覓勝上之處如足步前以證勝處更須求過
彼最勝處若其苦身以得法者此苦身法是名非法
若苦身故天上得樂是因行法得於非法但此身動
由心故行是故應當先調於心莫苦其身而說偈言

此身動時由心轉 應先調心莫苦身

身如木石無所知 何故隨心而困體

爾時菩薩復作是言若前所說因於斷食當得福者

其野獸等應得大福又復貧人以其先業果報微淺
不深植故資財乏少猶如世間無功德人常求地上
一切神祇功德之水以澡浴身望應得於如心所願
其事不然爾時彼諸苦行師等白菩薩言明智仁者
仁於此處見何等患菩薩答彼苦行師言汝今行此
苦行之事後日還來入此有處其苦行師復更詳共
問菩薩言我此處有如是法行菩薩報言云何得知
汝此苦行還入有處汝等此行非究竟入非無畏處
時苦行師復更重白於菩薩言大德仁者唯願仁者
莫作如是說我今此居所行道路是無畏處有大功

7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

德若人依此道路行者捨此惡形得勝妙身菩薩報言雖捨惡形後得妙身而實未是離有之法因今苦身得於後身然彼後身亦未離苦所以者何雖復行於多種苦行望欲求樂而不離苦其苦行師復更執理白菩薩言仁者不然不以苦行後還得苦但以我等苦此身故後世決定得於快樂菩薩復答如此之言亦是無智何以故譬如有人欲求於利不知其內而有大失以知失故欲求利者此非智人爾時彼有一婆羅門在於衆中高聲唱言希有希有此之王子是真實智譬如有人得美飲食而和雜毒誰樂欲噉如是此事後雖得樂而未離於有爲生老病死之法此豈非是還求後生爾時菩薩復作是言苦苦世間憎死命鬼復求後生此大癡騃苦行師言善哉王子仁慎莫深諦觀此行此行過去無量大德共行此行此之居處往昔無量諸王仙等百千萬億行此苦行而其求於後世之樂菩薩又言如汝今言千萬歲者希有大癡嗚呼妄語此處大德以苦行故分別境界求後世樂於未來世受生死有不會知足於煩惱中不作所作展轉其中以其世間求於樂故反多得苦時苦行師復作是言仁者王子此境界主寐湊羅城

7 8 9 10 11 12 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

789101234567892012345678930123456789

其王欲作無遮之會祭祀諸天殺害衆生其數不少求後受樂菩薩復言凡以殺害而得法者可名行乎其苦行師又復白言我相承來祭祀諸天法用如是菩薩報言何有苦他名爲法也有塵全身還將塵拭能得淨乎有血塗身還以血洗豈能得淨有行非法當得於法無有是處苦行師言實有是處菩薩又言有何因緣苦行師言依韋陀論徃仙所說菩薩又言此是何義苦行師言若有諸人祭祀諸天是名爲法菩薩又言我且問汝世間近法若人殺羊祭祀天已得如法者何故不殺所愛親族而祭祀天是故我知

殺羊祭祀無有功德汝行雜法意欲如是爾時菩薩遙見去此坐處不遠有一叢樹如尸陀林菩薩見已告彼苦行諸師等言尊者但看彼地處所名何苦行而彼林下或有死屍諸鳥所食或有死屍白骨而聚今者現見或有死屍以火焚燒成一聚骨或有死屍懸著樹上或有死屍被其眷屬之所殺害莊嚴其坐依法而葬後生慚愧或有死屍眷屬圍繞相送來向尸陀林中安置於地訖還歸舍其苦行師又復更言仁者王子然其彼處尸陀林者四輩共同無有揀選平等施身福德之地名爲曠野此處地方布施身者

7 8 9 10 11 12 13 14 15 16 17 18 19 20 1 2 3 4 5 6 7 8 9 30

不用苦力速生天上求世勝處速得受樂或有仁者
投身絕崖或燒或施而生天上菩薩復言若當如是
修行行者後求富貴嗚呼大癡嗚呼無常而求後世
多有怨讐求後富貴嗚呼大苦還求大苦彼等癡愚
無智之人入大火聚入大蛇口菩薩如是辯才之舌
向諸仙人說解脫言作微妙語如是說時日將向沒
是時菩薩還彼仙人所居之處一夜停宿後日天曉
更餘處行彼等諸仙隨菩薩後次第而行爾時菩薩
少時行已見彼諸仙隨後而行菩薩見已卽便依一
樹下而坐彼等諸仙圍繞菩薩或坐或立是時彼諸
說偈言

仙衆之中最老仙人向於菩薩生希有心而白之言
仁者王子自汝來至我所住處時彼地方而自莊嚴
仁者出已彼處如今卽成曠野以是義故惟願仁者
莫捨於我所坐之處何以故凡人欲得疾生天上在此
福地而修行者不久卽生向於天上是故仁者不應捨此如是微妙先聖所行清淨之所而行餘處而
說偈言

仁者我林威德嚴 今去忽然成曠野
是故不應相棄背 如人愛命莫捨身
爾時諸仙說是偈已卽更白言仁者王子今在此處

得不見於無有恩義鄙惡人乎或見墮於雜行之人
或復見於不淨行人若不如是仁者何故不樂於我
所居停處我等諸仙欲隨仁者作於善友隨順不逆
奉教隨行欲共仁者求勝妙處假使歲星共仁者居
猶得勝處何況我等苦行諸仙爾時菩薩得彼諸仙
上首請欲同求解脫見其意已卽說自心本所誓願
兼復讚歎彼等苦行一切諸仙而語之言仁者諸仙
今者已得無礙之辯而身久來習行如法內心淨故
能於未曾所識人邊生大殷重敬念之心今若欲捨
猶如親愛乃生大愁其事雖然但仁者輩所求之法
爲生天果我不然也我今乃欲志求解脫不欲取有
我之意願決定如是我心旣觀如是相已見於汝等
所居之處心不願樂一欲求還一欲求去此二甚遠
然我亦非不樂此處又亦不復憎疾他人亦非見於
他人過咎而不住此捨背行也然汝等輩皆住於法
隨昔仙聖有所言說汝等一切皆悉已得大仙之法
是時彼等諸仙人見菩薩所求解脫勝上於菩薩所
更生殷重愛敬心想爾時彼衆其中有一梵志仙人
恒臥灰中或編椽上身著死屍糞掃衣服耳目青黃
鼻長身白手執軍持聞菩薩說如是語已向菩薩面

7 8 9 10 11 12 13 14 15 16 17 18 19 20 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30

7 8 9 10 11 2 3 4 5 6 7 8 9 20 1 2 3 4 5 6 7 8 9 30

歡喜以報歎菩薩言仁者所語極大微妙最上誓願
汝今乃能年少之時未受五欲見諸過患若不渴仰
欲生天者豈能得知天上後患如是觀已而求解脫
彼人不久便得解脫若當仁者有如是意決定欲求
解脫者汝今宜應速疾而行去此不遠有一仙人
住止之所名自穿藏彼有一仙名阿羅邏彼仙已得
決定正智清淨之眼仁者可至彼邊諮問應聞至真
方便行路仁者若聞此之方便必至彼真如我意觀
仁者所見必過於彼如今仁者心想及身一切相貌
決定當度諸智彼岸勝於往昔諸仙人等未曾證者

今悉得之爾時菩薩報彼梵志仙人等言願如仁者
所述可也是時菩薩捨彼仙人殷勤勸請背之而行
意欲向於阿羅邏所而有偈說

摩訶釋種聖王子

善巧美語慰諸仙

決欲前向羅邏邊

所有諸仙還自在

王使往還品第二十五之一

爾時國師大婆羅門及一大臣二人齊共受淨飯王
悲哀灑淚啼號勑已即便整備賢善好車駕馭而立
奉承大王威德勢力從所住城迦毗羅出出已尋逐
菩薩腳跡速疾而行漸漸至於彼跋伽婆仙人住處

789101234567892012345678930123456789

其跋伽婆遙見使來漸將向近卽起前迎而口唱言
善來仁者云何忽屈來到此間願且消息少時停止
此草鋪上解歇暫坐我當具辦甘果冷水隨意飲食
時二使人卽便頂禮彼跋伽婆仙人之足禮已却退
坐於一面坐安隱已其跋伽婆種種慰勞王二使人
爾時大臣卽便逆止跋伽婆語而問之言大仙尊師
我等今被彼甘蔗種大淨飯王勑命而來我身卽是
彼王大臣指國師示此是彼王國之尊師大婆羅門
彼甘蔗王有一太子字悉達多以畏生老病死之故
欲求解脫捨宮入山傳聞道其已至此處我等求彼
欲求解脫捨宮入山傳聞道其已至此處我等求彼

故來至此作是語已跋伽婆仙卽便報彼二使人言
實有此事然其修臂功德具足勝上丈夫曾至此處
至此處已而問於我所修行法我依實說彼旣知已
卽云此雖勝於人間其後還來入生死中非是究竟
解脫之處嫌故捨去欲求出離解脫生死今者進向
於阿羅邏仙人居所而說偈言

修臂丈夫功德具　至此聞我法非真

欲求至極大涅槃　背我今向阿藍所

爾時二使大臣國師婆羅門等聞跋伽婆仙人語已
以至孝心於淨飯王殷重敬故不覺疲乏無有懈倦

7 8 9 10 11 12 13 14 15 16 17 18 19 20 1 2 3 4 5 6 7 8 9 30

不食甘果不飲水漿依跋伽婆仙人之語卽共相尋
向菩薩所彼等漸至到菩薩邊遙見菩薩在於林中
於一樹下鋪草而坐除其一切諸寶瓔珞身體放光
巍巍顯赫而自莊嚴譬如重雲中忽然日出照耀天下
清林樹間見已相與從車而下安詳徒步向菩薩邊
至已頂禮於菩薩足口同唱言惟願聖子一切常勝
更自前立近菩薩邊爾時菩薩慰勞彼等隨於彼等
所能堪受勞謝語言而慰問已菩薩命令相近而坐
二使坐已白菩薩言大智太子聖子之父淨飯大王
以心愛敬於聖子故大受苦惱所以者何當於聖子

出宮之日大王聞已立地自撲迷悶而絕全不覺醒
以水灑噴良久乃蘇旣復本心流淚滿面憶念聖子
其狀如是今遣我等來聖子邊惟願聖子正心專聽
王如是勅我以知汝正意樂法我以知汝不住我宮
必應出家求無上道其理雖然但今非是汝入山時
我旣見汝非時入山是故我今憂愁苦毒全身被然
猶如猛火焚燒大林汝今且可割意還來入於我宮
暫捨於汝愛法之心受我愛重若如此者是汝法行
若汝不還至我目下令我受苦如是增長譬如大河
長遠流注於一時頃兩岸崩頽其水被填忽然斷絕

7 8 9 10 11 12 13 14 15 16 17 18 19 20 1 2 3 4 5 6 7 8 9 30

又如猛風吹大雲陣譬如熱天火燒乾草譬如旱月
煎涸諸泉譬如電摧盛春苗稼善子我今心亦如是
以爲憶念恩愛汝故心大沸惱煎燒破碎是故汝且
迴還向宮享受王位治化天下於後若見有善惡事
當任汝心入山求法

佛本行集經卷第二十

音釋

撲 弼角切 聾 古候切取牛羊乳也 羹 弋支切蒸羨香草也 淬 側氏切漬也 晓
蛻 跔去半切蛻呂張切曉 姪 壯朗切屬之姪徒結 垢 圓蟲也 噴 斜文者曰姪
汝塗切 髮 毛也 痠 寐士移切 噴 普冤切 嘘 嘿也

金壇于玉德爲亡父見素府君母虞太安人施刻此
卷以資冥福計字六千五百七十個該銀三兩
二錢八分五厘崇禎十五年孟夏月本邑顧龍山識



7 8 9 10 11 12 13 14 15 16 17 18 19 20 1 2 3 4 5 6 7 8 9 30

書中傳十五年益長凡不見而傳山
二卷入今五車
卷四寶冥輪指掌六十五百子十圖結
卷五素秋目母與太安人林及也
卷六干正傳寫

二十九